

CIMELIA

0

677

Laski

EPYSTOLAE TRES

Basileae 1556



677

CIMELIA

S.W. 702

Epistolae
tres lectu dignis-
simæ,

DE RECTA ET LEGI-
TIMA ECCLESiarVM BE-
nè instituendarum ratio-
ne ac modo:

AD POTENTISS. REGEM
Polonia, Senatvm, reliquosq̃
Ordines:

D. IOANNE A LASCO BA-
rone Poloniæ, &c. autore.

BASILEAE, PER IOAN-
nem Operinum.

SACRA MAIESTAS RE-
gia & Domine, Domine clementiss. perpetuam
obseruantia & subiectionis mea com-
mendationem.

AVdiuimus iam pridem læta
quædam nuncia, de cœpta &
istic demum restitui (diuino
beneficio) uera religione. Et
quia multorum indies literis undecun-
que confirmatur: quemadmodum sanè
uera esse optamus, ita non prorsus uana
etiam esse, in Domino, speramus. Quā-
quam aut plura fortè dicatur, quàm fiāt
(id quod alioqui sæpenumero fieri so-
let) tamen uel pro ipsis saltem eorū quæ
dicuntur initijs, quantulacunq; ea sint,
gratias Domino Deo nostro supplices
agimus: tuæq; maiestati Regiæ, & toti
adeo patriæ, eo ipso nomine, maiorem
in modum gratulamur. Ac uotis arden-
tissimis precamur, ut Deus opt. max.
quod istic iam orsus est, uirtute porro
gratiæq; sua diuina prosequi & cōstabi-
lire dignetur: Amen. Ego sanè ubi hæc
a 2 audissem,

Lim. O. 677

audissem, protinus mei officij esse putavi, ut te ad promouendam causam hanc, pro mea tenuitate, cohortarer: præsertim cum mihi qualemcumq; tuę erga me clemētię significationem abs te ipso datam haberē. Itaq; cum prę manibus haberem libellū, quem renascentis istic Euangelij initijs commodare posse uidebam, tuę illum Maiestati potissimum, totiq; simul patrię dedicandum esse iudicaui: eo quod in illo modus ipse & uniuersa planē ratio bene instituendarum Ecclesiarum contineatur. quę sanē res summē est necessaria, circa omnem religionis instaurationem: quę quidē diuturna ac legitima esse debeat. Spero autem non fore ingratum Maiestati tuę, si ad rem bene cœptam, tanto maiore studio promouendam inciteris: quanto plures te, hac in parte, monitores habere uideas. nimirum omnes intelligēt, multorum te admonitionibus impelli propemodum, ad proseguendam istic (post talia alioqui initia) religionis re-
stitutionem.

stitutionem. Et certē hoc tecum reputare debebis Rex clementiss. non esse tibi negligenter ac contemptim hoc habendum, quod sub tua nūc potissimum gubernatione, Christus Dominus in doctrina sui Euangelij istuc iam etiam aduētare uideatur. Horrēdum est haud dubiē, quod Christus Dominus, & quidem non sine lachrymis, sub Hierosolymorū nomine, omnib. denūciat, quicūq; tempus uisitationis suę obseruare nolunt: nempe abscondenda esse iam deinceps ab oculis eorum omnia, quę ad pacem ipsorum ullo planē modo poterant pertinere. Horrēdum hoc est (inquam) nisi si Christum Dominum ipsum in uerbis suis mēdacem facere uelimus. Tempus porrō uisitationis istiusmodi, graphicē nobis (ne quid hic obtendamus) descriptum habemus: nempe cum aduentanti Christo Domino, & à discipulorum suorum, & à puerorum, denique & à promiscuę etiam plebis turba (frustra reclamantibus Phariseis) publicē

acclamari uidemus. Hęc enim talem publicam acclamationem gratulatoriam, hancq; publicam exultationem & lætiam, ad eam potissimum ipsam (cuius hic Christus meminit) uisitationem pertinere, & prophetę alioqui, & Euāgelistę ipsi manifestē testantur. Cum igitur istic & discipulorum Christi qui in ministerio Euāgelij uersantur, & puerorum passim per uias publicas, & promiscuę præterea plebis turbas, ad Christi Domini, in doctrina Euangelij sui, aduentantum, acclamationem gratulatoriam gestire quodammodo, ac tātum nō procurrare uides: dubitare profectō non debes, tempus iam uenisse, uestre istic etiam uisitationis. Et proinde uobis pariter omnibus seriō obseruanda esse, quę ad pacem uestram, non equidem in Papę ullius Romani curia, sed in tremendo Dei ipsius iudicio (in quo Papas sanē omnes sisti oportebit) pertinere putatis: siquidem Christi Domini lachrymas, & horribilem illam pacis abscon-

sionem

sionem deriuare in uos nolitis. Vastamq; illis, in quos lachrymę illę Christi Domini redundant: & qui non amplius quę ad pacem spectāt, uidere possunt. Ne igitur negligatis, tu, tuq; omnes, tempus hoc uestre uisitationis: ut cumq; hic uobis reclamēt ac fremant uestri Pharisei, sacerdotumq; principes. Alioqui cauete, ne si discipulorū Christi in eius Euangelio, puerorū item ac plebis promiscuę acclamationem remorari (in Phariseorum gratiam) aut impedire quoquo modo uelitis: cauete (inquam) ne uel muti inanimatiq; lapides, uobis inuitis, clament, in testimonium uestre ingratitude & condemnationis. Absit autem (Rex inclyte) ut tu maiorem istic Phariseorum, quā Christi Domini, rationem habere uelis. Cupiūt illi quidem uideri posse aliquid: & habent suas artes tuendi usurpatam tyrannidem, impediendiq; si quid in se statui uideant. Sed sibi ipsimet non constant: neque enim dubium est, inter ipsos latē.

re plerofq; Nicodemos, qui nō magno
negocio ad Christum, uel noctu deduci
possent, donec paulatim firmiores eua-
derent: si modò tyrannidē illam, è syna-
goga eijciendi, sublatam uiderent. Et ut
nulli tales sint, atq; omnes planè ueluti
cōiuratis animis Christo Domino recta
mare conētur: nusquā sanè minus quā
istic, & uires, & artes ipsoꝝ ualere pos-
sunt. tametsi in hoc tali aduentu Christi
Dñi, nihil opus est alijs planè ullis ad-
uersus istos cōsilijs: quā ut uestꝝ quif-
que Christo Dño obuīam, certa fiducia,
& cum publica gratulatione, pro uestꝝ
uocationis ratione, occurrat. tāta est ui-
delicet Christi Dñi, in regio aduētū ip-
sius, uis ac potētia, ad repurgandū tem-
plum ipsius: ut, etsi sacerdotū principes,
scribæq; & Pharisei omnes, aduētui i-
psius, quā antū omnino possūt, reclamēt,
atq; à tēpli ipsum sui ingressu arcere mo-
dis omnib. conētur: ueniat tamē nihilo-
minus ipse, tēplumq; ipsum, regia in il-
lo autoritate sua, eiectis omnib. Pharisai

cis

cis nūdinationibus, prorsus repurget: et
ad obturanda aduersariorū omniū ora,
nō discipulorū modò, puerorūq; ac ple-
bis promiscue turbas, sed ipsa quoq; saxa
muta ac bruta animātia loqui & clamare
faciat. Ne igitur te tuosq; moueant, aut
uos ullo modo sollicitos habeant, opes,
potētia atque artes aduersariorum istic
Christi pariter omniū. Cōriscere illos
deniq; & cedere prorsus oportet Chri-
sto Dño: dum ille cum publico discipu-
lorū, puerorū, ac turbæ applausu, ad re-
purgandū tēplum suum uenire dignat̃.
Sed tuum erit, Rex clementiss. omnes ut
regni tui portas aduentāti Dño gloriæ
patēre, quod in te est, facias: illūq; iuxta
doctrinā Prophetiā, supplex exoscule-
ris, in doctrina sui Euāgelij: cuius fulgo-
rē alioqui palām exoriri ubiq; inuito ac
reluctante mūdo uniuerso, uidemus: ne
quo modo fiat, ut ira ipsius aduersum te
& regnū tuum, ueluti ignis flāma depa-
scens omnia, exardescat. Tunc enim bea-
tos fore pronūciat Propheta, nō equidē

a 5 eos

cos q̄ Phariseis Papis ue addicti, adeoq̄
 & iurati essent: sed illos duntaxat, qui ue-
 ro Zionis regi, Christo inquā Dño, ue-
 ra minimeq̄ hypoeritica fide atq̄ obser-
 uantia adhesissent. Horum te ita admo-
 nere uolui, Rex potentissime, pro fide
 obseruatiaq̄ mea: qui tuā alioqui digni-
 tatem istā regiā, cum æterna salute ac re-
 gni cœlestis gloria coniunctā esse opta-
 rim: et ut Maiestatis tuę excellētia, à Pha-
 riseorum istic, indigna te profectò, tāto
 Rege, tyrānide, semel aliquādo uindice-
 tur. Oro te autem, Rex clemētissime, ut
 meum hoc studium, quo te in Dño pro-
 sequor, meamq̄ istā scribēdi libertatem
 boni consulere, pro pietate ac clementia
 tua Regia, & me gratia tua prosequi, pa-
 trocinioq̄ tuo tueri digneris. Deus opt.
 max. adsit tibi Spiritu sancto suo, regat
 consilia tua omnia, & omnib. tuis actio-
 nibus benedicat: Amen. Francforti, ult.
 Decemb. 1555.

Tuæ Maiestati Regiæ
 addictissimus:

Ioannes à Lasco.

*ILLUSTRES, MAGNI-
 fici & generosi Domini, D. ac Patroni sum-
 ma cum obseruantia colēdi: Gratiā uobis & pa-
 cem precor à Deo patre nostro, per unigenitū suū
 filium Christum Iesum, in Spiritu S. ut regnum e-
 iusdem ipsius filij Dei in sacrosancti Euangelij sui
 doctrina, hætenus istic per Antichristianam Pa-
 pismi tyrannidem obscurata, iam tandem inclare-
 scere, atq̄ etiam in omni pietate, iustitia & san-
 ctitate (quod in uobis est) fructificare faciatis: ad
 gloriam adorandi nominis diuini, & uestram
 pariter omnium, totiusq̄ adeo patriæ salutem:
 Amen. Hoc uobis, inquam, toto pectore precor:
 & mea simul officia, si quæ ullo modo in Domino
 prestare queam, communi nostræ patriæ, sub ue-
 stro nomine, reuerenter, ut debeo, sum-
 maq̄ fide mea commendo.*

Malum id fortè quibusdam ui-
 deri poterit, aliq̄ uerò iniqui-
 us, opinor, etiam ferēt, quod
 ego, tot iam annos alioquī
 peregrè atq̄ in silentio uersans, uestro-
 rumq̄ tanto iam tempore consiliorum
 ignarus,

ignarus, scribēdi mihi ad uos prouinciā
nūc demum sumere uoluerim. Sed ego
eas mihi cōsiliū hic mei causas habere ui-
deor, quæ apud uos præsertim, proque
stra prudētia, & admirationē omnē tol-
lere, & me ab omnibus etiā omniū ob-
trectionibus faciliē liberare possint.
Quodq; ad meam in primis tanti iam
temporis peregrinationem attinet, equi-
dem uobis constare puto, me neque te-
merē, neque ullo item patriæ nostrę aut
cōtemptu, aut odio, sed grauissima cau-
sa impulsus, meam hanc peregrinatio-
nem instituisse, & hætenus demū pro-
sequutum esse, propter improba pror-
sus planēq; Antichristiana Psychotyra-
norū istic nostrorū præiudicia: de quib.
sanē multis nunc agere, neq; est mei ad
presens instituti. aliō enim specto, quā
ut eam apud uos Camarinam moueam:
& iam pridem alioqui statui, improbita-
tem ipsorum patientia mea uincere. tan-
tū id obiter attingere ita uolui, ut eo-
rum calumnijs occurrerē, qui meam me
peregrina-

peregrinationem nescio quo patriæ no-
stræ contemptu atque odio instituisse
fingunt. Mihi sanē neque contemptus
patrię ullus (cuius summa alioqui bene-
ficia agnosco) neque odium item ullum,
cum me ipsum illi, secundum Deum, de-
bere ingenuē profitear, in causa fuit, ut
peregrinationē meam instituerem: sed
impietas ipsa atque abominatio in eo ui-
tæ genere, in quo istic uersabar: in Papi-
stico inquam sacerdotio, quo me libera-
re non poterā, si istic manere uoluissē.
Enimvero quā id ex diametro planē,
& quidem multis nominibus, cum Chri-
sti Domini summo alioqui & eterno sa-
cerdotio pugnet omnino, neq; sine hor-
ribili illius cōtumelia retineri possit (id
quod sanē clarius est, quā ut uel nega-
ri iam, uel etiam dissimulari possit) non
amplius & ego in illo mihi hærendum
esse existimaui. Quāquam autem hæte-
nus corpore istinc abfui, animo tamē ac
spiritu meo uobis, toti q; nostræ patriæ
nunquam defui: memor uestri semper,
in

in Ecclesiarū interea mihi cōcreditarum
precibus, perpetuisq; semper suspirijs, si
quādo Dominus gratiam suam adderet,
ut propulsa & istic semel Antichristiana
uētrispiritualium nostrorū tyrānide, lux
tādem etiam Apostolicę atq; Euāgelicę
doctrinæ uobis & toti simul patriæ ad-
fulgeret. Agnouī publicē semper, ubi u-
bi uersatus sum, meum erga patriam de-
bitum, in hunc usque diem: neq; ulli me
usquam ministerio adstrinxi, quin sem-
per patriam exceperim, si quando ope-
ram illa meam requireret, circa religio-
nis potissimū instauracionem. Testa-
tus id sum disertē, id que pluries, cum a-
pud multos istic priuatim, tum uerò e-
tiam apud maiestatem ipsam Regiā: que
certē omnia luculētissima esse documen-
ta arbitror, ut alia taceā, me quā lōgis-
simē proculdubio ab omni patriæ no-
strę siue contemptu, siue odio, semper
abfuisse: nisi quod in mutando impio
prorsus blasphemōq; uitæ meę genere,
maiorem mihi rationem Dei quā pa-
triæ

triæ habendam esse, non dubitauī. Por-
rò quemadmodum Pharisaici mei insti-
tuti impietate adductus, peregrē hacte-
nus uixi; ita sanē incredibili semper, au-
diēdi aliquid de ueræ istic religionis in-
stauracione, desiderio tenebar: foelicem
me uidelicet fore ratus, si quid huius cer-
tò alioquī audire possem. Cum igitur in
meo pridem huc aduētū, non solum au-
dissem, sed multorum etiā literis aliquid
huius cōfirmatum accepissem: ingratus
mihi planē erga Deū ipsum, erga patriā
uerò negligēs atq; inofficiosus fore uide-
bar si nō gaudiū apud pios mei indicium
istic publicū aliquod facerē, ipsiq; adeo
patrię nostrę publicē etiam gratularer.
Obtulit se mihi autem non incommoda
(meo quidem iudicio) utrunque id fa-
ciendi occasio. Apparabam libellum Ec-
clesiastici nostri in Anglia ministerij:
quem istic quoque ad instituendum le-
gitimum, ex uerbo Dei, in Ecclesijs mi-
nisterium, non inutilem fore iudicaui.
Eum igitur toti nostrę patriæ, sub Re-
giæ

gię maiestatis, uestroq; pariter omnium nomine, dedicare uolui, ut & gaudium uobis meum attestarer: & toti etiam patrię nostrę, de tanto Dei beneficio publice gratularer. Quumq; sub Regio, uestroq; pariter omnium nomine proster: mei sanę id officij esse putauī, ut uobis per me etiam, pro mea in uos obseruantia, mitteretur. Mitto itaque illum uobis. Et si quis id uel admiretur, uel etiam iniquius ferat: cogitabit, mihi pluris faciendum fuisse meum erga patriam debitum atq; officiū, quā pręposteram cuiusquam siue admirationē, siue etiam offensionem. tametsi uix credam offensus iri istic alium quenquam meo hoc in patriam officio, pręter Caiphā forte aliquos, aut si qui illis prorsus addicti sunt, ullo'ue alioqui uinculo ita obstricti, ut scenę ipsorum subseruire, ne dicam subparasitari, cogantur. Quorum interim omnium iudiciū quanti sit, in religionis potissimum causa, faciēdum, uos ipsi, pro uestra prudentia, facilię uobiscum

biscū reputare potestis. Ego sanę taliū offensiones nihil moror: nedum ut propter illas meū erga patriam officiū, si quod modō pręstare queam, pretermittere uelim. neq; dubito studiū hanc mei in patriam, meq; in uos obseruantię testificationem, & uobis & pijs preterea istic omnibus, non ingratam fore. Iam uerō libellus ipse pro se loquetur, in dedicatoria ad uos epistola, & in ipsa item pręfatione: ut, hac quidem in parte, non magnopere mihi opus esse uideatur pluribus hic agere. Sed potius mihi uos admonendos esse puto (pro mea in uos & patriam nostram fide) & periculorum, quę uobis proculdubio sunt expectāda, si uestrum hic officiū summa cura ac diligentia, pro uestra uirili, nō pręstetis: & uestri item officij, ad quem modum uobis pręstandum sit, si pericula omnia iam alioqui impēdentia, & uos ipsi declinare, & patriam cōmunem nostram ab illis etiam liberare uelit. Postremō autem, resellam obiter ea quę ad impediendum

b diendum

gie
nor
uol
tria
blic
stro
mei
per
tia,
bis.]
iniqui-
cien-
bitu
cuiu
offei
sum
in pa
aliqui
sunt,
cti, u
cam
inter
relig
uos i

diendum cursum restituendæ uerę reli-
gionis, istic potissimum proferri posse
uidentur. Oro igitur, ut me, etiam si pau-
lo fortè sim prolixior, benignè interim
audire ne grauemini: operamq; demum
uestram in præstando uestro officio, se-
dulò, pro uestra pietate, adhibeatis, ut
uestram olim uocationem in Dei iudi-
cio approbare possitis.

Nulla est uisa unquam in Dei popu-
lo calamitas publica, nisi post uiolatas
publicè etiam, aliqua saltem ex parte, pa-
cti diuini leges: & habitas præterea pu-
blicas rursus, easdemq; insignes uiola-
tionis illius, ex uerbo Dei, reprehensio-
nes atq; accusationes: adiunctis alioqui
exhortationibus ad resipiscentiam, &
pacti uiolati instaurationem. Neq; item
uitari unquam potuit publica, eaq; gra-
uissima calamitas, si quando habitæ de
pacti diuini instauratione publicæ ad-
monitiones, aut sunt contèptim reiectę:
aut admisissę quidem ac receptę, sed in eis
amplectendis quiduis aliud est quęsitũ,
quàm

quàm gloria & sanctificatio nominis
diuini. Eius sanè utriusque rei tot sunt
exempla in diuinis literis, ut totius Bi-
blicæ scripturæ testimonio doceamur,
esse indubitato expectandam ei genti
grauissimam calamitatem publicā, ne
dicam interitum, in qua auditas publi-
cè, præter solitũ, peccati illius reprehē-
siones, habitasq; publicè etiam de am-
plectenda uerbi diuini obedientia ad-
monitiones, aut contemptim reiectas
interim, aut per hypocrisim negligē-
ter uel receptas fuisse constet. Itidem ue-
rò & nostro hoc iam tēpore re ipsa ex-
perimur, siquidem propius paulo intue-
ri omnia uelimus. nimirum nusquā non
uarijs plagis afflicta esse ea loca uide-
mus (iusto haud dubiè iudicio Dei) qui-
bus doctrinæ Euangelicæ lucem publi-
cè affulsisse, interim uerò aut reiectā, aut
secus quàm par erat receptam esse sci-
mus. Atque est quidem odiosa nostri
nunc temporis exemplorum cōmemo-
ratio: sed non ideo tamen efficitur, non
b 2 esse

esse uerum, eo quòd tantopere inuisa habeatur. Quòd si patriæ quoque nostræ faciem, ut nunc est, paululum obseruamus, certè nullis unquam nostris historijs proditum cõperiemus, ab ipsa usq; gentis nostræ (nobis alioqui cognita) origine, auditam istic esse eiusmodi, qualis iam passim auditur, uel abominatio- nis in Papismo Antichristianæ accusa- tionem, uel ad lucem uerbi Diuini amplectendam exhortationem. Vt negari profectò non possit, præter solitum id nũc istic fieri, & peculiari proculdubio, planèq; admirãdo opere Dei: cuius alio- qui uim ac potentiam ita sanè toto iam ferè Christiano (ut uocant) orbe incla- ruisse uidemus (& quidem frustra reni- tentibus omnibus Papisticę tyrannidis coryphæis, propugnatoribus ac patro- nis) ut ipsimet Papistici sacerdotij unà collecti Principes omnes, ipsèq; adeò summus ille creator ipsorum Papa (in- uiti quidem, sed luce inuicta ueritatis E- uangelicę compulsi) fateri omnino co-
gantur,

gantur, necessariam modis omnib. esse religionis in Ecclesia reformationem, etiam si suum adhuc ingenium in eo pro- dant, quòd eam ipsam religionis instau- rationem ipsi soli instituere, pro suo ar- bitrio, et moderari uolunt. Perinde atq; si infectis morbo ouilibus, lupi quoque, ut suum dissimulent ingeniũ, remedium quidem ouibus aliquod adhibendũ esse agnoscant: sed sibi duntaxat omnem o- uium curam, submotis canibus omnib. committendam esse clament. Præclare scilicet prospectum iri ouibus, quę cure luporum committerentur. At uerò lu- pi nunc cum suis conuenticulis ualeant. Nos opus ipsum Dei, quod in restituen- da Euangelij sui luce palàm cernimus, pro eo ac debemus, obseruamus, ne in- ter contemptores olim diuinorum be- neficiorũ numeremur. Præsertim dum Antichristianam Papismi tyrannidem, hætenus sanè pro numine ipso habitã, aduersus quam uidelicet ne mutire qui- dem licebat, iam interim per doctrinam

Euangelij momento ferè tēporis, sit Do-
 mino gratia, in lucem ita productam, &
 latriæ item atq; abominationis in illa ba-
 rathrum, ueluti digitis quodāmodo, ita
 commonstratū esse, magisq; ac magis in
 dies adhuc commonstrari uidemus, ut
 uel à pueris etiam agnosci paruo nego-
 cio possit. Equidē Christus ipsemet Do-
 minus iam olim prædixit, fore, ut ante se-
 culi consummationem, aduētumq; rur-
 sus suum in doctrina sui Euāgelij, ueluti
 postliminio, prædicetur, ac tubæ instar
 sonet apud omnes gentes, ad cōuincen-
 dam illarū impietatē: quatenus sanè de-
 nuò sic prædicata, passim nihilominus
 aut reiicienda prorsus, aut certè per hy-
 pocrisim negligenter ue recipiēda esset.
 Huc enim spectare uidetur, quod ait,
 Prædicandū esse in testimoniū omnibus
 gentib. siue aduersus omnes gētes, quē-
 admodum sese ipsemet alibi exponit.
 Atq; alibi rursum, uix se ullā in terris fi-
 dem, ubi aduenerit, reperturum esse te-
 statur: etiamsi prædixerit, Euangelium
 denuò

denuò ante suum aduētum prædicādum
 esse, & quidē omnib. gentibus, ne quili-
 quam hic ullas omnino excusationes
 obtendat. nimirum ad quem modū sub
 priore olim illa, per Apostolos, Euāge-
 lij prædicatione ingens omniū gentium
 concursus erat ad amplectēdam magnā
 cum fructu salutarem doctrinam illius
 ita sub extrema hac rursus, nostro tem-
 pore, illius repetitione, pios quidem in
 fide confirmari necesse est, ad perferen-
 dam tyrannidis Antichristianæ (nūc sanè
 ut nunquam antea grassantem) truculen-
 tiam, quorum interim præ alijs exiguis
 admodum numerus est futurus: rebellis
 uerò impiorum contemptus, fucus item
 hypocritarū omnium patefiet, ad ponē-
 dam illis ob oculos iustā impietatis tan-
 dem ipsorum condemnationem. Atque
 sanè res ipsa loquitur, quā sit exiguis
 hoc tempore numerus eorum, qui tubæ
 Euangelicæ clangorē, iam denuò passim
 alioqui sonantem (præ alijs) amplectun-
 tur: multos autem, qui illum auersantur

planè, ac reſciunt. Et inter eos ipſos rurſum qui illius ſtudiũ præ ſe ferunt, quàm pauci ſint etiam, qui in eo amplectendo, non tam quæ ſua ipſorum ſunt querant, quàm quæ Ieſu Chriſti, ut Pauli uerbis loquar. Alioqui undè nam tot plagæ Dei, quibus nunc plena ubique omnia eſſe uidemus? Et quidẽ ihs potiſſimum locis, qui de recepta publicè doctrina Euangelij glorientur? Equidem Deus uerbi ſui obedientiam, illiusq; ſtudium remuneratur, non punit, publica præfertim patriæ totius calamitate. Sed quoniam maiore multo cõtumelia afficitur, ſi diuini ſui nominis autoritatẽ noſtris ipſi uicijs, prauisq; affectibus, per hypocriſim, obtendamus, quàm ſi manifeſtè doctrinam ipſius, humani quodam iudicij errore à nobis reſciamus: nihil fanè mirum eſt, grauiores Dei plagas ſubinde cõſpici, ubi aut per hypocriſim, aut etiam negligenter eſt recepta publicè Euangelij doctrina: quàm ubi palàm errore iudicij, ut dictũ eſt, reiectam eſſe conſtat.

conſtat. Poſteaquam igitur tube iſtius Euangelicæ clangor iſtic quoq; apud uos ita iam inſonuit, ut non à uerbi miniſtris modò, iſdemq; plurimis, & promiſcuæ item plebis multitudine, ſed ab uniuerſo propemodum etiam uiroꝝ nobiliũ ordine, religionis inſtauratio ipſa publicè, iuxta uerbum Dei, flagitetur: cogitare profeſſò debetis, diligenter uobis tube huic (ita alioqui ſonanti) auſcultandum eſſe: & cauendum, ne ueſtra potiſſimum culpa fiat, ut quod uobis gratuito Dei beneficio ad ueſtram ipſorum & totius adeò patriæ ſalutem offertur, quod ad Deum quidem attinet, id demum cedat, per ueſtrā ingratitudinem, ad ueſtram ipſorum & totius patriæ calamitatem. In uobis nanque id eſt in primis poſitum, ſi, dum publicis iſtic regni totius cõſilijs, pro ueſtrę uocationis prærogatiua præeſtis, diuine uos hic uoluntati, in Senatorio cœtu ueſtro haud ſegniter accommodetis: maioremq; Dei uobis hic, quàm hominum rationem, in

ferendis uestris suffragiis, habendam esse statuatis: ac Regiæ maiestati, ut idem faciat, sedulo ac cōsentienter omnes auctores sitis. Id equidem si præstetis (quemadmodum opto ac spero, & à Deo uobis etiam supplex uotis omnib. precor) tum sanè fidē, ante omnia uestre uocationis Domino Deo, p̄isq; ubilibet omnib. approbabitis: publicā item calamitatē istic & à uobis ipsis, & à patria tota depelletis: & eternā præterea nominis uestri memoriā ad omnē posteritatem trāsmittetis. Sin minus, tū certē & apud Deū in eius iudicio, & apud p̄ios ubiq; omnes fidē uestre uocationis multis nominibus grauabitis: uestra itē culpa publicā & uobis ipsis, & toti patrię calamitatem accersetis: atq; æternā insuper etiam nomini uestro notam apud omnē uestre posteritatē inuretis. Certē id uobis persuasissimū habere debetis, tubæ hūc apud uos Euāgelicæ iam clāgorem, quē alioqui, etiā si maximè uelitis, dissimulare nō potestis, certissimū esse prodromum

dromū istic grauissimæ alicuius calamitatis publicę, ne quid grauius dicā, siquidem uestre hic officiū aut nō præstetis: aut etiā, quā par est, negligentius præstetis. Ne uerò hæc ex meo ipsius cerebro profecta esse putetis, horū uobis omnium prænunciū cōmonstrabo, haudquaquā alioqui mēdacem: Regiū inquā prophetā illum Dauidem, cuius doctrina, hac in parte, utinā tam diligenter obseruetur, quā frequēter in templis decātari, passimq; demurmurari cōsueuit. Is namq; utrunq; id complectitur secundo Psalmo suo, quod mihi apud uos ego tractandum suscepi: nempe ut periculorum magnitudinem illis exponat, qui inclarescenti regno Christi, in doctrina sui Euāgelij, reniti ac reclamare conantur: & officium eis ipsorum commonstret, siquidem mala quæ ibi recēsentur declinare uelint. Scribit autē de Regib. Propheta, & ijs qui Regum consilia ac iudicia gubernant: ut quæ illic dicuntur, ad uos haud dubiè etiam, qui in senatu

Regio

Regio estis, intelligatis pertinere. Et scribit, tanquam rem ipsemet presentem in-
tueretur, quæ tamen multo post illum
tempore futura erat: ut ostendat, tam ue-
ra fore quæ prædicit, quàm uera esse sci-
mus, quæ oculis ipsi nostris subiecta ha-
bemus. Hic igitur Prophetæ doctrinam
paululum oblectemus.

Dicetur de regni Christi illustratione
in sua ecclesia Propheta, quod uidelicet
per doctrinæ Apostolicæ ministeriū to-
to orbe terrarū promouendū erat, regū
nobis mundi huius, procerumq; regio-
rum, nisi spiritu Dei regantur, ingenium,
consilia atq; apparatus, more ac spiritu
prophetico, ante omnia describit. Mox
horribilem illorum finem recēset, si qui-
dem in suo ingenio, suisq; consilijs atq;
apparatibus perseuerare pergāt. Postea
ad resipiscētiā eos hortatur, & partes
officij ipsorum commemorat. Ad extre-
mum uero causas reddit fug illius ad Re-
ges exhortationis. Primum igitur docet
eiusmodi

eiusmodi ferè esse ingenium Regū mun-
di, quod in ipsis est, omnium, præterquā
si diuinitus aliter instituantur: ac proin-
de procerum quoq; illorum omnium,
qui eorum consilia, iuxta morem mūdi
huius, moderantur: ut regnum Christi
Domini, inuisum sibi planè habeāt, neq;
ullo modo ferendum esse putent, atq; ita
continuo illos offendi, planeq; commo-
ueri: deniq; & consilia aduersus Chri-
stum Dominum agitare, & apparatus
nescio quos facere: simul atq; commen-
dari, illustrari ue per doctrinam Euan-
gelij, uident ullo modo, uim, dignitatem
atq; excellentiam regni ipsius. Ea uide-
licet est humani iudicij, quēadmodum
in alijs rebus omnibus, ita & in Regiæ,
aut politice, cuiusuis alterius functionis
corruptela: ut Reges potissimum ipsi,
eorumq; proceres, ad dominatum se eo-
rum quibus præsunt, natos aut uocatos
esse putent, non autē ad Dei inter illos
ministerium. Dum itaq; de regno Chri-
sti audiunt, illudq; inclarescere uident,
quicquid

quicquid Christo tribuitur, id totum sibi detrahi atque eripi putant. Et quoniam Christo Domino, omnes totius orbis terrarum gētes in possessionem, adeoque & hereditatem æternam à Deo patre coelesti traditas esse audiunt, suum sibi in regna sua ius adimi imaginantur: ideoque illum in doctrina ac ministris ipsius aut perdere omnino, si queant, aut regnis suis alioqui arcere, aut nomen saltem illius alendis suis uitijs obtēdere conantur. Tale inquam ingenium Regum in mundo hoc, & eorum procerum, describit Propheta: & describit cum pathetica quadam admiratione atque exhortatione: ut ostēdat, quā preposterè id ita à Regibus fiat: & quā longè hic ab sint à legitima præcellentis alioqui uocationis suæ, à Deo ordinatæ, functione. Deinde uerò exponit Propheta, qualia sint talium Regum, quæ inter se agitant, consilia: & quales item, quos adornant, apparatus, nempe uideri quidem & Regibus ipsis, & eorum pro-

ceribus,

ceribus, consilia, hac in parte, ipsorum ualde speciosa, efficacia, atque omnis humanæ prudentiæ modis omnibus plena: apparatus item ipsorum planè inuictos: ut cum sine Conciliorum auctoritate, uel propinquorum Principum assensu, nihil hic sibi aggrediendum putant: & mutuis sese fœderibus in hoc inuicem alstringunt, ut tanto maiore uir atque apparatu, si quid esset agendum, una & coniuncti agant, unaque sustineant, quicquid omnino sustinendum esset. Quis enim non melius, prudentiusque multo esse dicat, publicam universalis toto Christiano (ut uocant) orbe Concilij auctoritatem in consilium adhibere, quā priuata unius alicuius Regis cum suo senatu auctoritate, nouationes in religiōe instituere? quis item non multo consultius esse affirmet, aliorum quoque auxilijs communiri, quicquid omnino aut agendum, aut sustinendum quoquo modo esset, quā ut solus quispiam cum suis duntaxat temerè sese omnibus periculis exponat?

exponat: Hæc igitur ac similia humanæ prudentiæ consilia, Regibus quidem ipsis, eorumq; proceribus uideri haud dubiè præclara, solida, omniumq; tutissima: cæterum in conspectu Dei, quem nihil latere potest, esse uana omnino, atque adeò uanitatem ipsam, si diuinæ illius uoluntati ac potentiæ opponantur. Ad hæc ridicula etiam, ut quæ non aliter ab illis instituatur, quàm si cum Deo in terris hic duntaxat uersante, humanis consilijs ac uiribus certadum esset: cum ille pugillo suo & coelum & terram contineat: & collocata in coelis, imò supra coelos omnes Maiestatis suæ sede, humanas istiusmodi & consiliorum & apparatusu uanitates omnes, è sublimi derideat, risuq; ac subsannationi omnium etiam exponat. Præterea eiusmodi quodque esse coram oculis Dei, quod multo est grauius, ut Deū ipsum ad iracundiā adeò prouocet: ut tum denuum potissimum grauissimè incādescat, omniumq; seuerissimè illos alloquatur, denique & disturbet

disturbet eos omnino in suo furore, cū sibi illi omnium optimè à periculis omnibus cauissè consiliorum suorum industria, omniq; apparatus genere instructissimi esse uidentur. Suntq; hic uobis obseruandæ tēporis particulæ illæ, quas non temerè alioqui Propheta adhibet, dum ait: T V N C loquetur: Nunc sapite o Reges: repentè exardescet ira eius. ut intelligamus, in foribus iam adesse calamitatem publicam, ac uindictam Dei, quoties à Christo Domino regni sui sceptrum alicubi in doctrina sui Euangelij per eius ministros publicè proferri, & aduersus illud nihilominus agitari consilia, apparatusq; fieri uidemus. Describit præterea iræ huius diuinæ ac plagarum magnitudinem Propheta, quas talibus Regibus expectandas omnino esse prædicit: nempe ita accensum iri furorem Domini, ad disturbādos istiusmodi Reges in omnibus cōsilijs atq; apparatibus ipsorum, ut ferro sit ipsos inuasurus, atque in puluerem, ueluti fictilia,

c redactos,

redactos, pedibus omnium subiecturus, sicque demum omnem uiam eorum ad interitum extremum deducturus. Hec uero omnia repente super illos uentura esse, ne se longa adhuc malorum istiusmodi expectatione solari ullo modo possint. Repente enim, & sine spe ueniae ulla, exarsuram esse diuini aduersus illos furoris uehementiam: haud aliter quam grauissimam alicuius incendi flammam, quae unico propemodum temporis momento & erumpit inopinatum, & obuia simul omnia depascitur atque absumit. An uero non est horribilis haec talis diuinæ seueritatis descriptio? Equidem fieri non potest, quin illa moueatur, quisquis doctrinam Propheticam ueram esse, atque à diuino illo adorandoque Spiritu omnis ueritatis profectam esse, ex animo credit. Ac rursus fieri non potest, ut quisquam Deo spiritui sancto, per Prophetas loquenti, credat, qui non se in corde suo moueri sentiat, tam horribili seueritatis descriptione, aduersus

uersus Christi Domini, regni que sui, per doctrinam Euangelij inclarescentis, aduersarios & contemptores. Certè Prophetæ ipsemet, atque idem Rex etiam, dum hanc ita horribilem ac repentinam uindictæ diuinæ seueritatem, tanquam praesentem, spiritu Prophetico intuetur, adeoque illa commouetur, ut uersa protinus ad alios Reges (functionis uidelicet suae collegas) oratione, atque sub Regum nomine ad eos omnes qui in gubernationis politicae parte aliqua quoquo modo uersantur, grauitè illos ipsorum officij admoneat: certissimum illis, prorsusque formidabile interitum denuncians, nisi resipiscere uelint. Quid? quod Christus ipsemet Dominus, hoc ipsum nobis etiā parabolica similitudine aperitissime confirmat? dum eos sine discrimine, omnes, qui ipsum super se regnare noluerunt, in conspectum suum adducendos, ubi è longinqua regione sua redierit, atque coram sua facie, sine spe ueniae ulla, obtruncandos esse affirmat? Cum enim sit

parabolica tota illa Christi Domini narratio, nihil sanè ob stare potest, quo minus redditum illum è longinqua regione, parabolicè etiam interpretemur: siue illum de extremo illo suo ad iudicium redditu, in glorioso demùm corpore suo: siue etiam de restituendo, ueluti postliminio, doctrinæ suæ splendore, per singularem Spiritus sui uirtutem ac potentiam, & proinde ueluti per suam quandam præsentiam intelligamus: atque ita cõfirmari planè dicamus, horrèdam illam seueritatis diuinæ à Propheta adumbratam faciem, aduersus eos omnes qui in hoc consilia sua agitāt omnia, ut Christi Domini & Apostolorum iugum abijciant atque aboleant: parabolica hac Christi Domini, de ijs qui ipsum super se regnare noluerunt, doctrina ac narratione. Quare cum negare nō possitis, uiri præstantiss. hæc ad uos etiam, pro ratione uestre (ut dictum est) uocationis, secundum Reges ipsos pertinere: etiam atque etiam profectò cauendum uobis erit, ne qua

qua culpa uestra fiat, ut aliquā eiusmodi calamitatem, qualem & à Propheta, & à Christo Domino ipsomet prædictā uidetis, primum Regiæ maiestati, uobisq; pariter omnibus, deinde toti etiā patriæ, consilijs uestris accersatis. Cauere autē poteritis, si officium uestrum, in coetu uestro Senatorio, ad quē modum à Propheta est præscriptum, pro uestra summa uirili faciatis. Quemadmodum enim calamitatis magnitudinem grauius uobis ob oculos uestros positam habetis, si Christi Domini regnum in doctrina sui Euangelij remorari, impedireq; aut ullo modo obscurare conemini: ita etiā officij rursus uestri partes uobis idem ipse Propheta exponit, ut eam ipsam calamitatē & ipsi alioqui declinare, & à tota patria auertere possitis: siquidem Prophetæ, aut uerius Spiritus sancti cõsiliū, per Prophetam loquentis, audire & sequi uelitis. Duo sunt autē præcipua, quæ Propheta & in Regib. ipsis, & in illorū proceribus omnib. qui

uel cōsilijs, uel iudicijs publicis præsunt,
 requirit. alterum, ut erudiantur, atque
 ita demum sapiant: alterum, ut id pro-
 tinus, & sine mora, causatione ue ulla
 faciant. Nunc iam igitur sapite, inquit,
 o reges: erudimini o præsides terræ.
 Quid uerò, desipiunt ne Reges, & in-
 scitiæ procures illorum accusantur om-
 nes, nisi Prophetæ hic doctrinam au-
 diant ac sequantur? Equidem qui uer-
 bis hisce offenduntur, non mecum, sed
 cum Propheta ipso expostulare debe-
 bunt. Quorsum enim aut sapere denuò,
 qui per se alioqui sapiant: aut qui eru-
 ditione pollēt, denuò etiam, & quidem
 protinus, erudiri iubentur? id que pro-
 posito horribili ac repentino, nisi id fa-
 ciant, interitu ipsorum? Quali acunque
 igitur, & undecunque petita consilia,
 stultitiæ hic atque inscitie damnari uer-
 bis Prophetæ, uidemus, si cum tradi-
 ta per ipsum doctrina consistere non
 queant. Orditur ergo suam ad Reges,
 eorumque procures admonitionem: ut
 abiectis

abiectis omnibus humanæ, iuxta mun-
 dum, sapientiæ consilijs, ad eam solam
 quæ ex Deo est sapientiam, animos suos
 adiiciant: hanc unam quærant, in hac
 se erudiri patiantur, iuxta hanc sua in-
 stituant omnia, atque ab illa se dimo-
 ueri non sinant: præsertim uerò, dum
 Christi regnum in doctrina sui Evan-
 gelij inclarescere uident: ne & sibi ipsi-
 met, & suis omnibus repentinum in-
 teritum accersant. Recenset autem di-
 uinæ huius sapientiæ officia ac fructus:
 ut illorum indicijs, ueluti notis quibus-
 dam, & sentiri intra nos ipsos, con-
 scientiæ nostræ testimonio, & ab alijs
 etiam agnosci facilius possit. Atque a-
 libi quidem initium huius sapientiæ fa-
 cit, timorem Domini: & eam constare
 potissimum docet, diligenti manda-
 torum Dei custodia ac obseruatione.
 Hic uerò paulo clarius id ipsum expli-
 cat: rationemque eius ipsius timoris
 in hac sapientia, Regibus potissimum,
 eorumque proceribus aliquanto plenius

exponit: ut qui nobis Dei in terris imaginem quandam præcellēti sua uocatione quàm proximè referunt, ab ijs etiam Dei filius quàm officiosissimè colatur. Docet igitur, in diuina hac sapientia timorem quidem requiri, sed esse peculiare quoddam eius timoris genus: nempe non quo sibi aut hostes ab hostibus, aut ciues à tyrannis suis metuunt (longè enim à Christo Domino, filio Dei uiui, absunt hostilia tyrannicæq; omnia) sed quem clientes patronis, boni item serui dominis, & liberi parentibus suis ultro se debere agnoscunt. Hostilis ac tyrannicus ille timor, cum odio semper, animorumq; alienatione quadam est coniunctus: id quod alioqui uox illa tyrannica, Oderint dum metuant, palàm testatur. Hic uerò quem Propheta nobis cōmendat, ab amore atq; obseruātia proficiscitur, obsequendiq; studium ac sollicitudinem quandam in nobis gignit: ne quo modo eos, quibus eiusmodi timorem ultro nos debere agnoscimus, nostra

nostra siue imprudentia, siue negligentia offendamus: sed potius illis placere, gratificari atque obsequi modis omnib. pro nostra uirili, studeamus: & in nostra nobis ipsi, hac in parte, tum imprudentia, tum insufficiētia (ne quid de negligentia dicam) displiceamus. ita tamē, ut certissimam ueniæ spem, nobis quidem diffusi, sed eorum quos ita reueremur benignitate confisi, semper retineamus. Hunc sanè talem erga Christum Dominum timorem requirit Propheta in ea sapientia, ad quā hic Reges proceresq; illorū omnes exhortatur, si quādo inclarescere uideant regnum ipsius. Scrui te, inquit, Domino in timore. Estq; hæc prima timoris eius nota, quem Propheta in diuina hac sapientia requirit: ac primus etiam sapientiæ gradus, ad quam Reges proceresq; omnes cohortatur. Quia uerò in hostili illo, aut tyrannico metu, simulari non rarò potest, seruiēdi hoc studium: ad quem modum Herodes illud, post natum Christum

Dominum apud Magos insidiosè simul-
 labat; addit & alteram timoris huius no-
 tam Propheta, quæ in hostilem tyranni-
 cum uel metum illum cadere nullo mo-
 do potest, animi uidelicet gaudium at-
 que exultationem. Quis enim secundis
 hostium tyrannorum uel rebus, non po-
 tius perturbetur quàm lætetur, etiam-
 si nonnunquam lætitiā simulemus;
 quæ tamen ita simulari nunquam po-
 test, quin sese fucus hypocriseos alicubi
 prodat. Eius rei præclarum in eo ipso
 Herode, cuius iam meminimus, exem-
 plum habemus. is ubi Christum Domi-
 num natū esse audisset, conatus est qui-
 dem & ipse simulare magnam lætitiā
 apud Magos, dum se quoque ad ado-
 randum illum uenire uelle profitetur:
 ac proinde accuratè perquiri omnia, si-
 bi quæ demum renunciari iubet. sed re-
 uera, audito de regno Christi uixdum
 nati nuncio, grauissimè unā cum suis
 proceribus, totā quæ adeo Hierosoly-
 morum urbe perturbatur, atque edita
 demum

demum plus quàm beluina in infantes
 sæuitia, impietatem suam prodit. Eum
 igitur timorem requirit Propheta in
 hac, quam Regibus commendat, sapien-
 tia: qui non studium modò placendi
 gratificandi quæ atque obsequendi Chri-
 sto Domino, in promouendo regno i-
 psius, sollicitudinē quæ item ne quo
 modo offendantur, sed etiam gaudium
 animi atque exultationem sibi adiunctā
 habeat, si quādo regnum ipsius inclare-
 scere ac promoueri contingat. Quod e-
 quidē cum fieri nō possit, nisi si quem ti-
 memus, eundē quoque pariter amemus
 equidem dum Propheta in ea, ad quam
 Reges cohortatur, sapientia, eiusmodi
 timorem requirit, eadem sanè opera &
 amorem Christi Domini requirit: cur
 talis timor, sine amore ingenuo haberi
 haudquaquā possit. Rursus dū timor
 Propheticus sine amore cōsistere non po-
 test: & amare neminem possimus, qui
 illi fausta fœlicitia quæ omnia ex animo &
 precemur & gratulemur: certè quātum
 aut ne

nos ipsimet in corde nostro sentimus, aut alios etiam certis indicijs uidemus à gratulatione alacri adhuc abesse, si quādo regnum Christi Domini illustrari cōstet in doctrina Euāgelij ipsius: tantū proculdubio etiam aut nos ipsos, aut alios, adhuc à timore hoc Prophetico, & proinde ab ea quoq; cuius hic reges admonentur, sapientia abesse, necessariò satendum erit. Estq; hæc altera eius timoris nota, quo diuina hæc sapientia constat, de qua Propheta alioqui hic ad Reges & procures concionatur: & alter etiam eiusdem ipsius sapientiæ gradus. Sed neq; hoc satis est Prophetæ, ut Reges, procuresq; eorum (siquidem uerè sapere, atque diuini iudicij seueritatem declinare uelint) animis duntaxat suis eiusmodi timorem Christi Domini concipiant. id quidem in primis esse necessarium ad tollendam omnem hypocrisim, nimirum ut eius timoris sensum in nostris ipsi cordibus, cōscientiæ nostræ testimonio, efficaciter sentiamus. Sed quoniam

nam Reges nō sibi tantum Reges sunt: procuresq; ipsorum, non suum tantum, uerum totius etiam regni negocium agunt: uult Propheta, ut eum ipsum quē illis præscribit timorē, publicis etiā suis officijs contestentur & declarent: ostendatq; suis omnib; se ab ijs quā longissimè abesse, qui sibi à Christo Domino, regnoq; ipsius, hostili illo tyrānicōq; metu timēt. Docet igitur, ad quemmodū timor ille potissimum debeat publicè declarari: nepe ut Reges procuresq; eorum omnes, se Christi Domini, regniq; ipsius ministros esse palam profiteantur publica alioqui subiectionis & obedientiæ suę attestatione. Et quoniam id omnium ferè est receptissimum apud omnes gentes, ut eorum manus exosculemur quibus nos subiectionem nostram debere agnoscimus: isq; mos iam tum apud Aegyptios in usu fuisse legitur, quorum alioqui Reges, omnibus alijs Regibus formidabiles erāt: eum ipsum subiectionis erga Christum Dominū agnoscendā

de, publicéq; declarādē modum, Regib;
 omnib. eorumq; proceribus præscribit,
 qui tum apud Ægypti reges (quorū sum-
 ma alioqui apud omnes autoritas erat)
 more publico in usu fuit. Vult, inquam,
 ut Reges mūdi totius omnes, illorumq;
 proceres, dum regnum Christi Domini
 in doctrina sui Euangelij inclarescere ui-
 dent, cōcepto animis suis eo, quem scri-
 psit, timore, illi sese continuo adiungāt,
 nisi protinus perire uelint: suæque erga
 Christum Dominū, regnumq; eius sub-
 iectionis specimen publicum, osculi sui
 testimonio edant. Osculemini, inquit,
 Filium, ne irascatur: & ita demum cum
 omnib. uis, hoc est, consilijs atq; appa-
 ratibus uestris pereatis. Hec sanē omnia
 qua requirit Propheta in ea sapientiā, ad
 quam alioqui omnes, ut dictū est, ac Re-
 ges & eorū proceres cohortatur: ne ex-
 eunte sese inuitis omnib. regno Christi,
 possimet sibi suisq; omnibus extremum
 crepētinum interitum accersant. Ni-
 hil hic audimus de longis ac multis deli-
 beratio-

berationibus, consultationibusue, aut
 Cōcilijs siue instituendis, siue expectan-
 dis: ut uidelicet statuatur, quid, quando
 & quatenus sit permittendum Christo
 Domino, & regno eius, in doctrina ip-
 sius. Non quærunt consilia, num seruire
 debeant, qui seruire ex animo cupiunt:
 multo minus in deliberationem uocāt,
 osculo ne excipere debeāt, dum ueniūt,
 quorum præsentiam uerè expetūt, deq;
 illa non dubitant modis omnibus gra-
 tulandum esse. Hypocritarum est hæc
 prudentia: qui etsi perditū sanē cupiunt
 & Christum Dominū, & uniuersum re-
 gnum ipsius, studiosi illius tamen (in-
 stitutis de illo speciosis uidelicet deli-
 berationibus) uideri uolunt. Ad quem
 sanē modum Herodes, audita Christi
 Domini natiuitate, etsi ipsum perditum
 cuperet, atque iam cēdem ipsius machi-
 naretur: specioso tamen fūco in con-
 siliū uocat principes sacerdotum, ac
 scribas omnes: de que loco natiuitatis
 Christi, religionem simulans, sciscitatur:
 & se

& se quoque ad adorandum ipsum proficisci uelle fingit. Tametsi rectius multo Herodes tunc in consilium suum uocabat principes sacerdotum, & scribas: quam nunc quidam uocandum esse putent Papam Romanum, eiusque rasum atque unctum omne satellitium, ut ex eius sententia, de amplectendo Christo Domino, regnoque eius, in doctrina sui Euangelij, statuatur. Nimirum Herodes, homo ethnicus, eos in rei diuinæ consilium uocat, quos certum erat fuisse ordinationem Dei, in hoc ipsum institutam, ut diuinorum mysteriorum omnium & custodes & dispensatores essent: etiam si suam ipsi planè profanassent. Nunc uerò, qui se Christianos Reges ac proceres esse profitentur, ex eorum arbitrio statui de regno Christi Domini uolunt, quorum uniuersum ordinem contra dignitatem atque autoritatē omnē & regni & doctrinæ & sacerdotij Christi institutum planè esse, modisque omnibus etiamnum pugnare, manifesta ipsorum scripta & facta

et testantur. Deinde Herodes non querit à principibus sacerdotum & scribis, num Christum Dominum debeat adorare, dum id sine ullo cuiusquam consilio, quāquam hypocritice, debiti atque officij sui esse agnoscit, ac proinde se id quoque facturum esse promittit: sed tantum de loco natiuitatis inquit, ut quod se facturum esse simulabat, maiore cura facere uelle uideretur. Nunc uerò non hoc agitur, ut certò constet, ubi nam sint quærendæ ueræ ac legitimæ regni Christi inclarescētis notæ: sed de ipso Christi regno uel amplectendo, uel reiiciendo, deque ipso Christo Domino in doctrina ministrisque ipsius uel recipiendo, uel denudò crucifigendo, res tota in quæstionē uocatur. Instituant igitur qui uolent istiusmodi deliberationes, expectent qui uolent istiusmodi conciliorum placitas à nobis certè, & ab omnibus qui perire nolint, aliud longè sapientiæ genus Prophetæ (ut uideatis) exigit: nempe, ut reiectis istis concilijs omnibus, ad præstāda

d uestra

uestra erga Christum Dominū, regnūq;
 ipsius officia, ut ab ipso sunt præscripta,
 animū uestrum adhiñciatis. Nō uult, ut de
 amplectēdo eo quod præscribit, sapien-
 tiæ deliberationes ullas uel instituatis
 uos ipsi, uel ab alijs institutas expecte-
 tis: sed simpliciter præcipit, ut sublata o-
 mnī mora, abiectisq; omnibus causatio-
 nibus, sapiatis. Nunc iam sapite, inquit.
 Multo minus uult, ut de præstandis e-
 ius sapientiæ officijs, in uestris consulta-
 tionib. hypocriticū illud, quid, quando
 & quatenus, in quæstionem uocetis. hoc
 enim esset regnū Christi septis nostrarū
 constitutionum uelle includere: cum ille
 alioqui in hoc sit datus Rex nostrū o-
 mnīū, ut nō equidē regatur à nobis, sed
 nos potius omnes, Reges que adeo no-
 stros uerbi sui diuini autoritate, hypocri-
 tas uerò & aduersarios ferreo suo sce-
 ptro regat ac cōpescat. Sed iubet ut Do-
 minū timeatis, & quidē nō eo timore, q̃
 odiū atq; inuidiā parit: sed qui cū placē-
 di obsequēdiq; studio, cū animi alacrita-

te ac

te ac gaudio, & omnib. obseruatiæ offi-
 cijs cōiunctus est. Seruite, inquit, Dño,
 & exultate illi in timore atq; obseruatiā.
 Osculo illum excipite, in testimoniū ui-
 delicet uestri erga ipsum studiū, uestre q;
 subiectionis: ne pereatis. Hæc igitur uo-
 bis præstanda omnino, non autē ad deli-
 berationē ullam reuocāda esse, cogitare
 profectò debetis, quicūq; in Senatorio
 istic ordine estis, uiri clarissimi: siquidē
 uestrū officiū facere, ut debetis, impen-
 dentemq; & uobis & toti patrię calami-
 tatem publicam auertere uelitis. Ne
 uerò hæc temerē præcipere uideatur
 Propheta Regibus mundi huius, pro-
 ceribusq; illorum omnibus: causas obi-
 ter interferit, sui in hac parte cōsiliū: quas
 equidem si Reges ac monarchæ, proce-
 resq; illorum omnes accuratius paulo
 obseruarent, minus proculdubio nūc es-
 set negociū in restituenda uera religione.
 Eas igitur attentis animis audire ne gra-
 uemini, ut quidē ab ipso Propheta nar-
 rantur. Primum igitur non tam in sua

d 2 ipsius,

ipsius, quàm in Christi ipsiusmet Domini persona potius, causas cōsiliij huiusui recēset: ut quāto maior est Christus dominus ipso Dauide, ac reliquis Prophetis omnib. tanto plus pōderis apud nos etiam habeāt, quæ ab ipso quidem Propheta, Spiritu sancto autore proculdubio, nō tantum sub prophetæ, sed sub ipsiusmet Christi Domini persona, de se ipso testificantis, dicuntur. Deinde dum Christus ipsemet Dominus, de regno suo cœlesti sibi, iuxta carnis nostræ humanitatē dato, testificatur, non sine emphatica præfatione id facit: sed pro decreto inuiolabili, ac lege quadā publica, toto terrarum orbe obseruanda, haberi uult, nimirū ab ipsomet opt. max. Deo prolata, quæ de regno hic in terris suo dicturus esset. Initio igitur reddit causam Propheta, cur Reges terræ omnes, proceresq; illorū, timorem illum cum omni obsequendi studio, animiq; exultatione ac gratulatione publica, cum omnis itē subiectionis testificatione coniunctum, debeant

debeāt Christo Domino, dum regnum ipsius aliquo modo inclarescere uident: nempe quòd ipse se Regem, loco ipso in terris omnium nobilissimo, præ alijs omnibus, uidelicet ab ipsomet Deo opt. max. electo, cōstitutum esse profiteatur, nimirum quanto honoratiore loco præ alijs Regib. omnibus, & quidem nō humana ulla ui atq; autoritate, sed æterno Dei ipsius consilio, in regem constitutus esset: tanto maiorem illi etiam honorem deberi agnoscerent reliqui omnes mūdi huius Reges, proceresq; illorum: præsertim uerò, si diuinæ, hac in parte, uoluntatis alioqui constitutionem obseruare ac sequi uelint. Et ne quis hic diuinæ uoluntatis ignorantiam obtinere possit, Christum ipsummet Dominum diuinæ hac in parte uoluntatis præconem facit, ut de suo ipsemet in terris regno mentem ac decretum Dei proferat: quod ab omnibus in terris hominibus, qui perire nolint: potissimum uerò à Regibus mundi huius, proceribusq; illorum

illorū omnib. pro sacrosancta, prorsusq;
 inuiolabili lege haberi omnino oportet.
 Et si igitur Christus Dominus apud
 Prophetā loquēs, sedē regni sui in mōte
 sancto Zione, loco uidelicet præ alijs o-
 mnib. cultui diuino peculiariter delecto,
 collocatā esse profiteatur, eā tamē esse ait
 Dei patris sui cōlestis uoluntatē, hoc cō-
 filiū, hoc decretū, ut ipse in mōte illo resi-
 dens, sit Rex nihilominus regum, regno-
 rumq; ac gētium sine exceptiōe omniū,
 & quidem æternus toto orbe terrarum.
 Meritō igitur sibi deberi ab omnib. tum
 Regibus, tum populis, eum timorē atq;
 honorem, quem Propheta hoc loco, Re-
 gibus proceribusq; illorum omnib. pre-
 scribit. Deinde hanc quoq; esse pronun-
 ciat uoluntatem, hoc consilium, hoc de-
 niq; decretū Dei patris sui, ut ipse in re-
 gno hoc tali suo, Regibusq; alijs omnib.
 qui ipsum (iuxta Prophetę doctrinā) ti-
 meant atq; honorent, salutem ipsam tri-
 buat, resq; illorum omnes prosperet ac
 fortunet, quemadmodū id alibi ab eodē
 ipso

ipso Propheta luculentissimē docet: sed
 eos cōtrā, q̄ id recusent facere, aut hypo-
 criticē alioqui, negligēter uē faciāt, ut uir-
 ga ferrea, sceptro uē ferreo adoriai, atq;
 in puluerem, uelut fictilia, redactos per-
 dat. Rectē ergo moneri Reges, proce-
 resq; illorū, ut sapienter ac prudēter sua
 omnia instituāt, nisi perire uelint. Expo-
 nit autē Christus Dominus, cur ei tātus
 honor à Deo patre delatus sit: nēpe, eo
 quod in carne nostra sit pariter etiam fi-
 lius unigenitus Dei, perq; suam incar-
 nationem, regnum hic sibi, nobisq; in
 se omnibus à Patre suo cōlesti, pro gra-
 tuita suā misericordia, quodammodo
 postularit. Est enim filij Dei incarnatio,
 ueluti quædam regni istius postulatio,
 quam æterno alioqui Dei consilio con-
 stitutam fuisse, uerba hæc Patris ad Fi-
 lium docēt, dum Filius à patre regnum
 hoc suum postulare, Prophetico testi-
 monio, iubetur. Cum igitur Christus
 Dominus, Dei summi atq; æterni filius,
 assūpta carne nostra, iuxta destinatū ab

æterno patris sui cœlestis consilium, regnum hoc sibi, uniuersosq; in se mortaliū generi postularit: sintq; illi iam datæ à Deo patre omnes orbis terrarum gentes, & omnes fines orbis terrarum, ut sint hæreditas & possessio ipsius: atq; ea insuper lege sint illi datæ à Deo patre, ut omnes Reges ac regna seruet, prospere ac fortunet, quæ ipsum timeant (ut dictum est) & honorēt: aduersarios uerò ac hypocritas, deniq; & cessatores omnes, ueluti fictilia collisos, in cineres redigat & perdat, repenteq; instar exorti subito incendiū prorsus absumat: præterquam si, in clarescente regno ipsius, protinus resipiscant. Equidem ut mihi certò persuadeo, uos nihil minus cogitare, quàm ut Spiritus sancti in uerbis Prophetæ admonitionē aut uelitis contemnere omnino, aut ad uos nihil alioqui pertinere putetis, atq; publicam uobis demum & toti patriæ calamitatem accersatis: ita non dubito etiam, Dei in primis misericordia, deinde uestra quoque

que pietate fretus, uos unanimiter omnes ad eam quam à Propheta præscriptam esse uidetis, sapientiam, præstandaq; pro uestra uirili illius officia, animos uestros nunc potissimum adiecturos esse, cum regni Christi Domini sceptrum in doctrina sui Euāgelij, ut nunquam antea, sese istic exercere, atq; tanto omnium consensu publicè expetere, negare non possitis. Scio quid hic contrā à multis, potissimum uerò à nostri seculi Caiaphis ac Phariseis dici soleat: & facile intelligo, idem ab illis istic iactari. Sed confido uos maiorem Prophetæ uerbis per Spiritum sanctum loquentis, quàm Caiapharum ac Phariseorum placitis fidem adhibitueros esse: maioremq; Dei quàm hominum quorūcunq; rationem habituros. Vt tamen intelligatis, uana futiliaq; esse omnia quæ ab ipsis proferruntur, cōmemorabimus præcipua quædam, atq; etiam refellemus: & quāquam uideo epistolam excreuisse suprā quàm putaram, tamen cum non ita parum re-

d s ferat,

ferat, refutatas habere hac potissimum in causa aduersariorum eas obiectiones, à quibus aliæ magna ex parte pendere uidentur: non usque adeo molestum fore spero, meam hanc prolixitatem, ut illam non æquis placidisq; animis laturos sitis. Iam igitur ad diluendas eorum obiectiones ueniamus.

Duo sunt ferè hominū genera, quæ regni hic Christi in doctrina eius instaurationē inuisam habēt, neq; facile ferre possunt. alterū est, quod in ordinato à Deo publico quocunq; Ecclesiæ ministerio, dominatū sibi quendā usurpare, usurpatum retinere cupit. alterū uerò, quod nullis omnino legib; coerceri, sed impunē sibi licere uult omnia, in quocunq; tandem uitæ genere uerse. Vtriq; enim isti cōtra se regnū Christi Domini instaurari sentiunt: dum & illam dominatus sui in ministerio imaginationem atq; usurpationem reprehendi per doctrinam Euangelij, se que ad uerbi diuini obedientiam

tiam reuocari, & impunē quiduis audēdi licentiam, admonitionum Ecclesiasticarum, ipsoq; disciplinæ Apostolicæ usu frenandam esse uidēt. Et quoniā utrumque hoc hominū genus, diuersis quidē nationibus, eodē tamen interim spectet, nempe ad licētiam atq; impunitatem rerum omnium: nimirum alij id per dominatum in ministerio, quasi nemini rationem sui ministerij reddere debeant: alij uerò per anarchiam quandam, atq; omnium in terris hominum æqualitatem, obtineri posse imaginantur: utrique sanē regnū Christi Domini iugum sibi haudquaquam ferēdum esse clamāt: atq; omnia tentāt, si quo modo illud abijcere abolerēq; possint. Vtriq; igitur isti habēt, quod instaurādo Christi Dñi regno opponere sibi posse uidētur. Porro cum uariæ sint ordinati à Deo publici in Ecclesia ministerij functiones, atq; inter illas præcipuæ duæ, in quibus potissimum aliquot iam seculis dominatus nescio quem quæsitum usurpatumq; effluuimus

uidemus, nempe in uerbi & gladii ministerio: uidendum nobis erit, quid nam ab istis aduersus regni Christi, in doctrina ipsius, instaurationem obijciatur. Ac primum de ijs dicemus, qui in uerbi ministerio, totius sibi orbis monarchiam, supra omnes Reges ac regna, commenti sunt, eamque & ferro, & flamma propugnare conantur. Papam Romanum, inquam, qui sub Apostolici ministerij fuce, una cum raforum suorum grege, regnorum sibi omnium ius summum asserit: & nusquam non purpuratas, cornutasque suas simias, nec nisi tumis omnino locis disponit. Isti igitur aduersus regni Christi instaurationem quamplurima afferre conantur. nos precipua attingemus, eaque per Dei gratiam diluimus: additis ad singulas eorum obiectiones, illarum refutationibus. Hæ sunt autem precipuæ illorum obiectiones.

Ad se pertinere curam religionis: itaque sine ipsis, nihil esse statuendum de religionis instauratione: sed expectandum omnibus,

omnibus, ut ipsi hoc faciāt: & quicquid huius ipsi fecerint, id alijs uidelicet omnibus amplectendum, sequendumque esse. Hic uero (si Deo placet) Scripturam proferunt, Super cathedram Moysis confederunt scribere, &c. & Conciliorum suorum auctoritatem prætendunt. Ad hoc igitur sic respondemus. Adeo nihil pertinere curam instaurationis ueræ religionis ad Papam Romanum, uniuersumque gregem ipsius: ut ne admitti quidem ullo modo debeant ad ulla consilia instaurationis ueræ religionis, nisi culpam Apostolicæ suæ impietatis ac tyrannidis, quæ tot iam annis Ecclesiam Christi presserunt, publicè agnoscant, deprecantur, ac uerbo Dei sese subiiciant omnino. Quantum enim lupi absunt à canibus ouilium custodibus, etiam si caninum quiddam referre uideantur: tantum abest Papa cum creaturis suis omnibus, quatenus sanè Papismum propugnat, à functione muneris Apostolici, ac proinde à cura quoque instaurationis religionis, Dum exëplo Scribarum

barum ac Pharifæorum se communiūt,
 ipsimet Scribarum ac Pharifæorum, nō
 autem Apostolorū succēssores esse pro-
 fitētur. Quorsum enim de Pharifæis di-
 cta, ad se traherent, si non eodem cum
 Pharifæis, Christi alioqui aduersarijs,
 loco haberi uellent? Tametsi hoc erat
 melior olim Pharifæorum, quā nunc
 sit Papistarum ratio: quōd Pharifæi, et
 si ius sibi traditionum faciendarum pre-
 ter modum permittebant, Mosis tamen
 ac legis sue auctoritatem sacrosanctā sem-
 per apud sese esse uoluerunt: isti uerō
 nec Christum pro Christo, nec Euange-
 lium pro Euāgelio, neq; Apostolos pro
 Apostolis, scripta uel illorū pro scriptis
 Apostolicis haberi uolūt, nisi cēsure atq;
 calculis ipsorum, in eorum concilijs ap-
 probentur. Hic nimirum seruos domi-
 no suo maiores esse oportet: ut Domi-
 no non credatur, nisi quatenus ei serui
 sui credi uolunt. At uerō nos memi-
 nisse debemus, Perire legem à sacer-
 dote: Hierem. 18. Salem, amittere suam
 quando.

quandoque falsuginem, ac deinde con-
 culcandum esse: nedum ut illo condiri
 debeant, ulla omnino instaurandæ re-
 ligionis consilia. deferendos esse cæcos
 cæcorū duces: Pharifæos inquam ipsos,
 omnesq; ipsorū succēssores. Quāquam
 haud scio, an Papismū ipsum, cum omni-
 bus illius propugnatoribus eo loco ha-
 bere debeamus, ut uel cū Pharifæis, qui
 initio in Mosi cathedra uerē confede-
 rant: uel cum sale euanido, qui antea
 bonus fuerat, conferri possit: cum om-
 nis totius Papistici ordinis dignitas, ex-
 cellētia, uirtus atq; autoritas, & initium
 suum & progressum omnē non aliunde
 habeat, quā ex blasphema illa in Chri-
 stum Dominū, mortemq; ipsius, propi-
 ciatorij nescio cuius sacrificij in Missa, e-
 iusq; peculiaris sacerdotij doctrina &
 imaginatione. Quā cum euelli prorsus
 atq; aboleri in primis in Ecclesia oport-
 teat, si quidem Christus Dominus ullo
 modo regnum apud nos suum in doctri-
 na sui Euangelij debeat obtinere: facile
 est

est uidere, quantopere ad Papam eiusq;
propugnatores pertineat cura instau-
randæ religionis: nisi si ad lupos quoq;
curam ouilium pertinere præcipuè ueli-
mus, eo quòd rictu suo canes referre
quodāmodo uideantur, quibus alioqui
ouium custodia credi solet. cum tamen
omnis cura ac custodia canum in hoc
potissimū adhibeatur ouilibus, ut ab
illis lupi quā longissimè arceantur. At-
que hoc ita ad primam hanc Papistarum
obiectionem respondisse, satis erit.

2 Dicunt, Ecclesiam esse columnam ac
basim ueritatis: ac proinde illam errare
haudquaquam posse. se autem guberna-
tores esse Ecclesiæ: quare cum Ecclesia
errare non possit, nec se quoq;, ut illius
gubernatores, ullo modo posse. ac pro-
inde ad se potissimū recurrendum es-
se in omnibus controuersijs religionis:
neque sine ipsis hic statui quicquam aut
debere, aut etiam posse. Nos porro ad
hanc respondemus: Esse hoc quidem Sa-
tanæ ingenium, ut suæ impietati fucum
sanctitatis

sanctitatis aliquem obtendat, quo frau-
dulentiùs fallat: sed fieri interim nō pos-
se, quin se alicubi hypocrisis ipsius pro-
dat. ita & isti conantur quidem modis
omnibus tyrannidi atque impietati spe-
ciosum Ecclesiæ titulum obtendere: sed
resectam ita iam habemus uerbi diuini
luce imposturam ipsorum (sit Dominus
gratia) ut nos hac alioqui, in hac parte,
nō tā facile quā putant fallere amplius
possint. Produunt autē ipsimet suam siue
inscitiā, siue malitiā, hac sua ratiocinatio-
ne. Dum enim ex Paulo dicunt, Eccle-
siam esse columnam ac fulcrū ueritatis:
aut sanè sub Ecclesiæ nomine, unius dū-
taxat alicuius temporis loci ue Ecclesiā
intelligunt, & tum planè à mente ac sen-
tentia Pauli quā longissimè absunt.
Aut (quod multo grauius) sciētes illam,
ac uolentes deprauāt, ut uerbis demum
Apostolicis ad confirmandā suam tyran-
nidem insidiosè abutātur. Estq; falsa hæc
ipsorū doctrina, qua illi, unius alicuius
temporis loci ue Ecclesiam (post Apo-

stolos præsertim) columnam ac fulcrum
ueritatis esse fingunt. Aut si Apostolum
de catholica illic, omniū uidelicet & tem-
porum & locorū, Ecclesia loqui fatētur,
quæ alioqui & Prophetas & Apostolos
omnes, cum omni doctrina illorum, ip-
sumq; adeò Christum Dominum, tan-
quam summum ac æternum, & proinde
unicum etiā caput suum cōplectatur:
tū certē impudēter faciunt, quod se eius
Ecclesiæ præsidēs ac gubernatores esse
iactāt, cui gubernandæ, pro ipsa alioqui
& temporum & locorum ratione pares
esse non queunt. Quo pacto enim, qui
non nisi certo aliquo, eoque breui admo-
dum tempore uiuere, neq; nisi uno dun-
taxat loco esse potest, credendus est inte-
rim & præesse illi Ecclesiæ, & eam guber-
nare posse, quæ neq; temporib. hic, neq;
locis certis ullis circumscribi queat? Sed
sic uiam sterni oportuit Antichristianæ
Papæ Romani & gregis sui tyrānidi, de-
torta, quò non oportebat, Scripturæ au-
toritate, Quare doctrinam sanè Aposto-
licam

licam de catholica Dei Ecclesia libenter
amplectimur. Et quemadmodū sanctus
Dei uir Augustinus, eius ipsius Eccle-
siæ autoritate permotus, Euāgelio se po-
tius quàm Manichæis credere maluisse
testatur: ita & nos, eiusdem alioqui ip-
sius Ecclesiæ autoritate permoueri om-
nes meritò debeamus, ut relucescenti
iam denuò, diuino beneficio, doctrinæ
Euangelij, Christi potius, cui illa sanè
perpetuò credi iubet, quàm et Paparum
simul & Papistarum omnium placitis ac
decretis fidem nostrā adhiberemus. Ce-
terum ut Papā eius ipsius Ecclesiæ, supra
alios omnes, Episcopum esse, aut illam à
grege ipsius gubernari credamus: hoc
certē nusquam in Scripturis docemur.
Imò uerò eo potissimum nomine, Papā
ipsum cum suo grege, Antichristianæ ty-
rannidis iam aliquādiu usurpatæ accusa-
mus, idq; iuxta magni illius Gregorij do-
ctrinam, qui & ipse inter laudatissimos
Papas numeratur, quod se in manifestā
alioqui contumeliam summi, æterniq;
e 2 & ut

& ut Paulus docet, ἀπαράβατος pontifici Christi, catholicæ & ipse Ecclesiæ Pontificem ac præsidem omnium maximum esse gloriatur. tantoq; magis eum cum uniuerso grege suo arceri oportere dicimus, ab omnibus instaurandę ueræ religionis consilijs: quanto maiore impudentia illę catholicæ sibi Ecclesiæ curam ac gubernationem, supra alios omnes, arrogare conatur. Ac non modò non uiolari affirmamus, si arceatur, auctoritatem Ecclesiæ: sed eam non alia etiã ratione ulla stabiliri cohonestariq; magis posse putamus.

3 Causantur, doctrinam nostram esse nouã: autores illius, homines esse obscuros, neq; ullis aut Propheticis, aut Apostolicis prærogatiuis miraculis ue insignes. Nò esse igitur recipiendã ullo modo: sed perstandũ potius in recepta iam pridẽ à nostris maiorib. totq; præterea Paparum ac Cõciliorum auctoritate cõprobata, doctrina ac fide. Hic uerò dicimus, nihil mirum esse, doctrinã nostram istis

istis uideri nouã: quandoquidẽ scripturas sanctas, unde potissimum est desumpta, aut nunquã legerunt, aut negligẽter alioqui, uel certè non sine præiudicijs legerũt. Nos enim disertis uerbis postulamus, ne nobis ulla usquã fides habeatur omnino, nisi quatenus omnis nostrę doctrinæ fontes, in scripturis sanctis euidenter commõstremus. Aut igitur Propheticam simul atq; Apostolicã doctrinam nouitatis accusent: aut desinant nostra nouitatis accusare, quorum fontes luculentissimos in Scripturis extare, negare omnino non possunt. Porro dum nostram doctrinam nouitatis insimulant, eorum se ipsimet discipulos ac successores esse declarant, qui etsi uirtutem diuinam in Christo Domino, eiusq; doctrina conspicerent manifestè, nouitatis illam tamẽ (cum aliud nihil possent dicere) accusant. Quibus equidẽ hoc loco aliud non respõdemus, quàm quod Christus Dominus Phariseis olim legitur respõdisse, cum ab illis & ipse nouitatis cu

c 3 iusdam,

iustam, in astringenda repudiū indulgentiā, accusaretur, indulgentiāq; illi induta à Mose antiquitas prætexeret: nèpe, ab initio nō sic fuisse. Ac proinde ad quē modum Christus Dominus astrictioni suæ, falsò obiectam esse per Phariseos, nuperam illam, præ matrimonij origine, Mosaicæ indulgentiæ antiquitatem, reuocata alioqui tota controuersia ad primam matrimonij originem, à qua propter populi obstinationem, Mose alioqui id permittente, discessum erat: ita & nos doctrinam nostram à Phariseis istis nostri temporis antiquarijs, falsò nouitatis accusari dicimus: dum à Papistis omnibus quantumuis receptis constitutionibus, decretis ac ritibus, ad primam Ecclesiæ Christi originem, primumq; illius (Propheticas inquā & Apostolicas scripturas) prouocamus, & cum Domino dicimus: Ab initio nō sic fuit. Ac quemadmodum Christus Dominus non posse ab ullo homine dissolui pronunciat, quod Deo ipso autore con-

iunctum

iunctum esset: ita & nos nihil eorū mutari, uiolariq; ullo modo potuisse dicimus, neq; per Papas ullos, per malè conciliata quæuis ipsorū concilia, quæ per Christū Dominū in sua Ecclesia instituta, perq; eius demū Apostolos obseruata, & nobis ad extremum scriptis earum cōmendata esse cōstat. Quid? quod nos multo nunc rectius quæ ab istis uiolata abolita ue sunt, ad legitimos suos, in Scripturis, fontes reuocare conamur, in clarescente præsertim ubiq; iam, diuino beneficio, doctrina Euangelij Christi: quàm olim Mosaica illa repudiū indulgentiā Christo Domino autore ad primā matrimonij originē reuocabat: etiam si illā à Christo Domino, ut alia omnia, & iustissimè & sanctissimè reuocatā esse nō dubitamus. Nimirum dubium non est, Mosē, fidelem alioqui Dei ministrū, nihil & hic, ut alibi ubiq; sine peculiari haud dubiè uerbi diuini oraculo egisse. Papam uerò cōstat conatum esse semper cum suis omnibus, omnem prorsus diuinā Ecclesia-

e 4 stici

fici ministerij ordinationem omnino subuertere, quo sue tyrannidi atque impietati locum faceret: collocataq; demum in templo ipso Dei abominationis atq; idololatrię sue cathedra, efferret sese aduersus omne id quod dicitur Deus: & seipsum, haud aliter quàm si ipsemet Deus esset, ostentaret, quemadmodum Paulus docet. Non igitur nos autores sumus nouę ullius doctrinę: sed Papisticas nouationes (quibus interim falso antiquitas prætexitur) ipsamq; adeo à fide *ἐκ τῶν ὁρίων*, ut Basilius loquitur, accusamus: & totam præterea religionis controuersiam, ad omniū sanè uetustissimā illius originem, Prophetarum inquam, & Apostolorum fundamentū, reuocamus. Quare frustra etiā in doctrina nostra, eiusque ministris, Propheticas aut Apostolicas prærogatiuas, aut noua uel miracula requirunt. Cum enim nostra omnia ad Scripturas Canonicas reuocemus, illisque ultro omnia subiiciamus: equidem omnes etiam Prophetice atque

atque Apostolicę prærogatiuę, omnia item illorum miracula, ad nostram equè atq; ad illorum doctrinam omnino pertinebunt. nisi quod isti facere & hic non possunt, quin testentur se ex illorum esse progenie, qui & personas potius quàm res ipsas semper respiciunt, & in luce etiam clarissima signa & prodigia perpetuò quærunt.

4 Aiunt, nos abuti Scripturę autoritate: attexi que illi per nos peregrinas, & à mente ac cōsensu Ecclesię alienas interpretationes. Esto autem, Scripturę ipsę pro nobis facerent, maiore nihilominus Ecclesię hic quàm scripturarum rationē habēdam esse: eo quod Scripturas ipsas oporteat approbari, neq; Scripturę ipsę sine Ecclesia pōdus suū retinere possint. iuxta illud Augustini: Euangelio nō crederem, nisi me Ecclesię autoritas cōmoueret. Nos uerò & Scripturā uniuersam consentienter à nobis stare, ac proinde nullas illi per nos attexi dicimus peregrinas interpretationes: & catholicę Eccle-

siæ item consensum nobiscū omnino fa-
 cere affirmamus. Et si autem in omni no-
 stra doctrina optimè nobis corā Domi-
 no consci sumus, neq; ullo modo dubi-
 tamus & Scripturas & consensum Ec-
 clesie perpetuum à nobis stare omnino:
 homines nos esse tamen libenter agno-
 scimus, qui & errare & falli iudicio no-
 stro possimus: summoq; desiderio resti-
 tui expetimus legitima Ecclesiarum, ex
 uerbo Dei, iudicia, quæ in Apostolica
 quidē Ecclesia olim obseruata, sed Papi-
 stica demum tyrannide adulterata, tan-
 demq; etiam abolita esse uidemus. Ex-
 petimus item & Christiana quæuis, in
 omni mansuetudine, modestia ac lenita-
 te, colloquia, tantisper dum legitima Ec-
 clesiarum iudicia commodè restitui non
 possint. Et nihil magis deploramus, q̃
 quod inter eos etiam qui pro Euangelij
 assertoribus habentur, neminem ferè in
 eam curam incumbere uidemus. Qui i-
 gitur nos Scripturarū autoritate abuti
 putant, errores nostros nobis ex ipsdem
 ipsis

ipsis Scripturis cōmonstrent: & aut nos,
 ut putant, peregrinarū interpretationū,
 facta aliorū Scripturæ locorū mutua col-
 latione, amanter redarguāt: aut, si id non
 possint, à nobis uicissim se ad eundē mo-
 dum redargui ne recusent. Hūc enim cō-
 ponendi modū omnes in religione con-
 trouersias, et Christus Dominus, & eius
 Apostoli, & primæuæ post Apostolos
 Ecclesiæ patres orthodoxi obseruarūt,
 nobisq; obseruandum suis monumen-
 tis commendarūt. At uerò nihil minus
 cogitant isti: sed eis satis est, si Scriptu-
 ras à nobis detorqueri clament dunta-
 xat, nos que hoc prætenu passim con-
 demnent, etiamsi nihil huius usquam
 commonstrare possint. Hæc illis ruina
 supereft, ut dum nobis ipsam Scriptu-
 ræ autoritatem eripere non queunt,
 detorqueri illam à nobis, nullis interim
 locis usquam commonstratis, perpetuo
 clament. Quanquam ne hoc quidem eis
 satis est: sed altius adhuc profiliunt. Et
 quoniam frustra se id conari uident,

ut

ut Scripturas à nobis detorqueri doceant : ipsis etiam Scripturis omnem earum auctoritatem derogare nituntur : & dicunt , Scripturas ipsas non posse , nisi ab Ecclesia suam auctoritatem obtinere . Atque ita in omnibus de religione controuersijs , non tam equidem Scripturarum , quas alioqui contra se facere uidēt , quàm Ecclesiæ potius , cuius titulū placitis decretisq; suis prætendunt , rationem in primis haberi oportere contendunt . Cæterum , si quis ad eum modum cum ipsis agat , ad quem modum cum Manichæis Augustinus egisse uidetur : nempe ut nullam usquam Ecclesiam esse fingat , quemadmodū Augustinus apud Manichæos de Scripturis ipsis se dubitare simulat : unde quæso iactatores Ecclesiæ isti , Ecclesiam esse , ne dicam apud se esse , probabunt ? Aut ubi nobis illius originem , progressum , sedem atq; auctoritatem cōmonstrabunt ? Et , ut uerbis Augustini utar , in hominum ne , an uerò in Dei ipsius uerbo Ecclesiam querent ?

rent ? Si dicāt , in uerbis hominū , ubi rursum in tanta sectarum atq; hæreseon , se se inuicem damnantium , ueritate ac multitudinē , uerā nobis Ecclesiā ostendent , cum ubiq; sint homines , & nemo nō ueram apud se Ecclesiam esse iuret . Esto autē , nullæ sint sectę atq; hæreses usquā : quis nos de uerā Ecclesia certos faciat , si ne uerbi diuini , in Scripturis proditi , testimonio : cum & Prophetas omnes in uniuersum , quamlibet concordēs homines , mēdacij accuset : & Christus ipsemet Dominus , qui nō homo tantū , sed Deus quoq; est , suū ipsius , quatenus hominis , de se testimoniū pro nihilo ducat , si non diuinum pariter coniunctum haberet ? Atq; disertē neget , ullū esse omnino ueræ fidei , ac proinde uerę quoq; Ecclesiæ locū , apud eos qui suam ab inuicē quærent gloriā atq; auctoritatem ? Si uerò in uerbo Dei , Scripturis sanctis prodito , est quærēda Ecclesia , quemadmodū sanē non alibi illam & Scripturarum , & ipsiusmet catholicæ Ecclesiæ testimonio quæri

queri oportet: iam equidem nō scripturas ab Ecclesia, sed Ecclesiā à scripturis potius æstimari, penderēq; oportebit: atq; tum sanè etiā nō scriptura ab Ecclesia, sed potius Ecclesia à scripturis omne suū pōdus, omnēq; suam autoritatē obtinebit. Quid? quod idē ipse Christus Dominus, inde potissimū suos discipulos, ac proinde suā quoq; proculdubio Ecclesiā, agnoscere æstimariq; uult, si uerba ipsius fideliter retineāt atq; obseruent. Eiectos planè esse testatur, quicunq; doctrinam ipsius retinere atq; sequi nolint. Idē uerò ipse etiā præterea Christus Dominus alibi, non equidē Ecclesiā doctrinæ sue, sed doctrinā potius suā, totius in uniuersum generis humani iudicē fore pronūciat: ut intelligamus, nō sanè illū ab hominibus, quocunq; titulo aut prærogatiua ornatis, sed uniuersum genus mortaliū ab ipso (iuxta doctrinā uerbi sui) iudicādū omnino esse. Quale nā aut iudiciū, aut quā, obsecro, cēsura sibi sumat Ecclesia, in doctrinā illius, qui nō modo nō est subiectus ullis omnino humanis iudicijs,

cijjs, sed ne testimoniū quidē ullū ab ullis etiā hominib. aut requirat omnino, aut etiā accipiat? Cum uerò ipsemet Christus Dominus expressis uerbis profiteatur, se non solum nō expetere, sed ne accipere quidē approbatoriū ullum ab hominib. testimoniū: equidē qui scripturas ipsas iudicio cēsura atq; autoritati Ecclesiæ subijcere conant, alterū faciāt necesse est: nēpeut aut Ecclesiā nō hominib. ullis cōstare doceāt, p̄terquā si Christū Dñm mendacē facere uelint: aut suā ipsi impietate, cū manifesta in Christū Dñm blasphemia coniunctā prodant, dū à quib. se ille nullū eiusmodi testimoniū accipere profiteat, eos ipsi nō testes modò, sed cēsores etiā ac iudices approbatoresq; ipsius aut doctrinæ omnis suæ facere conātur. Quid est autem, si nō hoc est, efferre sese supra eum qui & dicitur, & est reuera Deus? nedum ut eam Ecclesiam, quæ id sibi arrogat, pro Christi Ecclesia habere debeamus. Atq; fatemur quidem, Ecclesiam esse testem Christi Domini, doctrinēq; ipsius, iuxta illud: Eritis mihi testes. imò

imò uerò ita hoc proprium esse dicimus Ecclesiæ officium, ut aliud neq; debeat, neq; possit etiam facere: & nisi perpetuò Christo Domino eiusq; doctrinæ testimonium suū phibeat, Ecclesia uerè neq; esse amplius, neq; etiā dici possit. Vnde & nos Augustinū sequuti, Ecclesiæ nos testimonio permoueri fateamur (ut antea quoque diximus) ut Euāgelio potius q̃ Papis, eorumq; decretis ac consilijs omnibus credamus. Sed aliud est officium agnoscere: aliud uerò, censoriam siue iudiciariam approbandi auctoritatem arrogare uelle. Aliud est (inquam) eiusmodi testē esse, qui aliud nihil se quàm perpetuò testificari oportere agnoscat: aliud uerò, uirgulam nobis censoriam in ea usurpare uelle, ut de eis pro nostro arbitrio statuamus, quæ commendare dūtaxat nostro testimonio, pro debito officioq; nostro, debemus. Ceterū isti, quoniam nihil aliud quàm dominatū quendā totius religionis sub fūco Ecclesiæ meditantur, pro testib. ac ministris, iudices, cē

fores,

fores, domini atq; approbatores Christi Domini, eiusq; Ecclesiæ esse uolūt. Discipuli uidelicet supra magistrū, & legati maiores eo qui ipsos ablegauit: quatenus sanè à Christo Domino missi esse uideri uolunt. Qua uerò fide uerba Augustini pro se torqueant, id sanè quiuis iam ex ijs quæ diximus uidere potest.

§ Dicunt, nos inter nos ipsos in multis doctrinæ capitibus dissidere: atq; ita incertam esse doctrinam nostram, nedum ut pro doctrinā Euangelij Christi agnoscere recipi q; debeat ullo modo. Nihil nō tentant, quo doctrinam nostram infament: ac festucam quidem in oculis nostris uident, ceterum trabem in suis ipsorum oculis uidere nō possunt. Nos quidem dissidia quædam inter Euangelij professores esse non diffitemur: atq; hic nos homines esse agnoscimus, & uicem Ecclesiarum hoc nomine sanè dolemus. Sed in omnibus nostris dissidijs, fundamentum nihilominus Apostolicæ confessionis, & constanter omnes per Dei gratiā, & unanimiter profiteamur: quod

f

tamen

tamen ab istis dissidiorum nostrorū ac-
cusatorib. uariè impetitur, obscuratum
deniq; & uiolatum esse, facile doceri po-
test. Etsi autem culpa sua non careant,
quæuis in religione dissidia: plurimum
tamen interest, uiolent'ne, aut non uiol-
ent fundamenti Apostolici fidē. Dein-
de destinato'ne consilio, an uerò per im-
prudentialatq; infirmitatem uiolent.
Atq; sanè nunquam fuit ita foelix status
Ecclesiæ Christi, post Apostolos præfer-
tim, adeo'que & sub Apostolis ipsis: ut
non semper aliquid in illa, etiam inter ui-
ros sanctissimos, dissidiorum esset, sed
quibus interim ipsa fundamenti Apo-
stolici fides in dubium nunquam uoca-
batur. Ita & nunc dissidia inter nos ex-
tare dolemus quidem, sed nō usque adeo
miramur, quando quidem illis Ecclesia
nunquam caruit. Sed eiusmodi dissidia
inter nos nulla agnoscimus, quæ desti-
nato consilio fidem fundamenti uiolent
quoquo modo, qualia interim apud Pa-
pistas demonstrari possunt. Deinde
quæcunq; sunt inter nos dissidia, ea scri-
ptura-

pturarum censuræ subiicimus omnia:
expetimusq; piorū sine discrimine om-
nium, modesta, libera, Christianaq; col-
loquia: parati cum publica nostri pude-
factione, mutare sententiam, si ex uerbo
Dei meliora doceamur. Quod si isti pa-
cis ac cōcordiæ Ecclesiasticæ studio dis-
sidia nostra accusant, nēpe ut, sicubi aut
à nobis, aut ab ipsis etiam, à scopo aberratum
est, ad uiam rursus rectam, iuxta uer-
bum Dei reducatur: instituant Christia-
na, modesta, sine conuicijs ac præiudicijs
ullis, interim tamen libera, colloquia: cō-
mostrent nobis errata nostra, & sibi etiā
sua demonstrari non ægrè ferant, sic
enim constare posset de ipsorum erga pa-
cem ac concordiam Ecclesiasticā studio.
At uerò tantum abest, ut ipsi sint sollici-
ti, siue de componendis nostris dissidijs,
siue de corrigēdis nostris, quos accusant,
erroribus, siue de reformādis suis etiam
abusibus: ut & dissidia nostra omnia ma-
gis ac magis gliscere indies, & errores itē
nostros multiplicari modis omnibus cu-
piāt, quo maiorē nostra omnia traducēdi

occasionem habere queant: de sua uero tyrannide, inueteratisq; iam aliquandiu suis abusib. nihil omnino remittant. Accusant nos igitur dissidiorū, qui ipsimet à fundamento Apostolicæ confessionis iam olim defecerunt: & tot præterea inter se monstra sectarum alunt, ut uix simul omnia recēseri possint. Et accusant non corrigendi ullo, in uiamq; reduendi studio ullo: sed sola nostri accusatione, sese populo ut uenditent, suāq; tyrannidem ita demū excusent & confirmēt. Ac quemadmodū ludas olim Christum Dominum neglectorū egenorum accusabat, nō quod illi egenorū inopia cordi esset (quos ille multo magis furtis suis, quàm Christus Dominus unguēti illius usu fraudabat) sed quod furtis suis tantū decedere doleret: ita isti hāc unā occasionem naēti dissidiorū, nos accusant, non quod illis pax uera ac cōcordia Ecclesiarum cordi sit ullo modo: sed quod omne regnū suum periclitari uident, si non doctrinā nostram, quocunq; tandē modo possint, siue iure, siue iniuriā, accusent.

6 Aiunt nostram doctrinam esse causam turbarum ac seditionū passim: illiq; imputanda esse potissimum, quæcunq; usquam infauista ac infœlicia nostra memoria obrigerunt. Et hic celare nō possunt maiorum suorum ingenium, qui de Christo olim Domino clamabāt, Commouet populum. ac rursus, Veniēt Romani, &c. Hisce enim uocibus olim Pharisei ac sacerdotum principes, Christum Dominum in doctrina ipsius, & turbarum omnium, & eius à qua sibi omnium maximē metuebāt, calamitatis autorem facere conabātur: cum ipsimet in hoc toti essent, ut & Pilatū, & uniuersum aded populum, calūnijs suis aduersus Christū Dominum concitarent, atq; ipsimet etiā sua impietate publicā illam calamitatem toti suæ genti accersiuissent. Ita & isti faciūt igitur, & cum nō alij ulli hominum generi & turbas nunc toto orbe omnes, & omnes calamitates magis debeamus quàm ipsis: horum illi tamen omnium culpam in nos, propter doctrinā Euangelij Christi, transferre conantur. Norūt
f 3 uidelicet

uidelicet, Euangelica luce abusus multos reprehendi, & suum cuique officium commonstrari. id uero cum nunc sit inuisum omnibus, propter adulteratam, Papismi potissimum tyrannide, omnium ferè publicarum in Ecclesia uocationum functionem: & suum isti regnum interiturum omnino esse intelligant, si sua quisque uocatione legitime, iuxta uerbum Dei, defungeretur: reprehensiones abusu diuinas omnes turbas esse interpretatur. Quasi uero legitimæ reprehensiones sine turbis institui non possint: aut quasi turbarum culpa, in legitimis abusu reprehensionibus sit posita: ac non potius in illorum obstinatione ac peruiacacia, qui de suis abusibus remittere nihil uolunt: ac proinde sursum ac deorsum miscent omnia, si se attingi sentiant ullo modo. Cum igitur Papismus uniuersus, ut nunc est, cum doctrina Euangelij consistere haudquaquam possit: atque eius praesides, suam impietatem, pro summa pietate mundo toti obtrudant, nedum ut ullas illius reprehensiones æquo animo

mo admittant: & interim efficere non possint, quo minus uerbi diuini autoritate reprehendantur: nihil non tentant, siue metu, siue odio reprehensionum, quod modo putant ad supprimendam, abolendam uerbi diuini autoritatem pertinere. neque hic illis satis est, ut Regibus ac monarchis perpetuo occinant Propheticum illud: Disrumpamus uincula eorum, & lora ipsorum abiciamus (hoc enim suo more faciunt, ut admonitiones & reprehensiones Euangelicas nescio quæ uincula ac lora esse interpretentur) sed ipsimet etiam aduersus uerbi Domini doctrinam, & eius ministros, enses, flammæ ac carceres suos in promptu habent, sursumque ac deorsum miscent omnia, ut inuictam semel suam tyrannidem (uel Deo ipso inuito) retinere possint. Hoc uero istis turbulētum non est: sed turbarum culpam, doctrinae uerbi diuini, & eius ministris imputari uolunt. Iuxta istos scilicet, turbulenti sunt, quia uicia reprehendunt,

& suum cuiq; officiū, ex uerbo Dei com-
mōstrant, ut seruari possint: atq; hoc no-
mine inuisi, destituti, pressi atq; afflicti
nusquam non oberrant, secantur, tentan-
tur, uruntur, merguntur, & gladij occi-
sione alacriter, in Domino, occumbunt.
Et illi pacifici erunt, qui hęc omnia pro-
curāt: atq; in hoc suos ipsimet carceres,
ignes & enses expeditos habent? Ad
hunc sanē modum tyrannicus ille rex Is-
raelis Achab, Eliam Dei prophetam tur-
barum accusabat. Sed rursus ab illo au-
dire coactus est: quod nō equidem Elias,
sed ipsemet sua tyrānide atq; idololatria
omnium barbarum ac calamitatū in Isra-
ele autor esset. Ita & nos igitur, Roma-
nensi nostri temporis Achabo, Papę in-
quam, cum uniuerso grege ipsius, qui no-
stram doctrinam barbarum insinuat,
Elię prophetę uerbis respondissemus:
Non esse nos, qui nostris ex uerbo Dei
admonitionibus ac reprehensionibus,
turbas ullas commoueamus, cum aliud
nihil quā gloriā Christi Domini in
regno ipsius, & salutem omnium quæ-
ramus:

ramus: sed illum ipsummet Romanen-
sem Achabum, qui Romani Imperij fas-
ces insidiosē inuasit, suęq; tyrannidi de-
mū Reges orbis Christiani omnes sub-
iecit: illum inquā, cum galtrato, mitrato,
palliato ac cucullato suo satellitio, cau-
sam dare omnibus turbis ac calamitati-
bus totius (ut uocatur) orbis Christiani:
eo quod profanarit sua tyrannide do-
ctrinam Euāgelij Christi: & noui cuius-
dam dei sui præsidiarij, qui manibus hu-
manis fiat, uias pręstigiosas confinxerit
ac sequatur: atque adeo nihil de sua ty-
rānide ac idololatria remittere uelit, ut
orbem uniuersum disidijs, cædibus ac
bellis implere malit, quā uel latum un-
guem de sua suorumq; tyrannide atque
impietate cedere. Atque hoc Achabitis
istis, Elię prophetę exemplo respōsum
esto. Hęc autem ferē sunt precipua, quę
aduersus nostram doctrinam proferūt:
cum ipsimet omnium maxima culpa eo-
rum teneātur, quę nobis falsō adscribūt.

Aliud porro hominum genus, quod
ad rerum omniū licentiam atque impu-
nitatem

nitatem extremis hisce temporibus nostris adspirat, habet etiam quod nostræ alioqui doctrinæ obijciat. Proferunt & ipsi doctrinam Pauli, qui, ubi spiritus est, ibi quoque libertatem extare oportere docet. Nostra autem hæc tempora, esse spiritus tempora, & spirituales à nemine iudicandos esse. Itaque libertatē permittendā esse omnibus, docendi agendique omnia: & non dubitandū, cum iam sint tempora spiritus, omnia quæ docentur, à spiritu S. provenire. At uerò isti in citāda hoc loco Pauli doctrina, bis peccāt. Primum, quod nomen libertatis aliò detorquent, quàm Paulus uelit. nā illic Paulus sub libertatis nomine, nō equidē quiduis aut docē, di aut agēdi licentiā atque impunitatē intelligit: sed animi nostri ac cōsciētie nostræ, in Dei iudicio, à legis maledicto, ac typicorū omniū seruitute liberationē, ut qui sine Christo, legis nexu, ad æternam condemnationē destinabamur, nūc in Christo nos ab eo nexu liberatos esse fidei nostræ testimonio, ex dono spiritus sancti, sentiamus: & qui ante Christum datum

ad

ad typicorum omnium obseruationem, ex Dei ipsius ordinatione, alligati eramus: certi simus, etiam nos ab hac seruitute per Christū Dominū liberatos esse: quæ sanē libertatis nostræ apud Deū ratio, nihil habet cōmune cum ea quam isti imaginantur, quiduis docendi agendique licentia atque impunitate. Deinde peccāt isti, etiam dum nostra hæc tempora ita ad spiritum sanctum referunt, ut quicquid iam uel doceatur, uel geratur, id totum ab illo provenire arbitrentur. Manet enim adhuc inconcussa doctrina Apostolica, spiritu sancto autore proculdubio prodita, qua spiritus (nunc, si unquā aliās) probare iubemur, num ex Deo sint. Qua equidem doctrina mone-mur, ab impostore spiritu istos excitari, qui licentiæ huic atque impunitati docendi & agendi omnia, & libertatem & tempora spiritus sancti preposterè obtēdūt. Hoc nimirum agit satan, ut dum Papisticam tyrannidem defendi amplius non posse uidet, propter reiectam, magnam iam ex parte, impietatem illius: nouis

rursum

rursum artibus impediatur ueram ac legitimam, iuxta scripturas, religionis instaurationem: proque tyrannide, quam alioqui inuisam esse nouit, introducere conatur *ἀνομιαν* quandam: quæ sublato omni tum Ecclesiasticæ, tum etiã politicæ disciplinæ usu, immedicabilẽ ad extremum rerum omnium confusionem pariat. Hæ sunt, inquam, Satang artes, quibus regni Christi instaurationem, legitimumque illius progressum impedire, pro summa uirili sua, conatur. At uerò nos edocti sumus, Deum esse ordinis, non autem confusionis Deum. Ac proinde, quemadmodum papismum eo potissimum nomine accusamus, quod institutum à Christo Domino, obseruatumque ab Apostolis, ac nobis omnibus commendatum Ecclesiastici totius ministerij ordinẽ, inducto nouo quodam sacerdotij sui Christo Domino aduersarij genere, usurpataque demum tyrannide sua, suppressere conatus sit: ita & istos impunitatis patronos haudquaquam in Christi Ecclesia audendos esse putamus, eo quod præposterẽ liber-

libertatis suæ patrociniò, institutũ etiam à Christo Domino, obseruatumque ac nobis commendatum ab Apostolis, totius Ecclesiastici regiminis, neruũ, legitimũ inquam & Ecclesiasticę & politicę disciplinæ usum abolere conantur: cum non aliò doctrina istorum spectare uideatur, quam ad inauditã prorsusque horribilem rerum omnium perturbationẽ ac confusionem. Nihil igitur uos à studio ac progressu instaurandæ istic uerę religionis remorari debebunt, quæ uel à Papismi, uel etiam à præposteræ illius libertatis propugnatorib. proferuntur. Est quidẽ aliquid, sed non est satis, Papismum sustulisse: neque enim satis est purgasse domũ, ut inquit Christus Dominus. alioqui exactus semel cacodæmõ, collectis secum alijs multo scelerationibus, in domum re purgatam reuertitur, si uacuam uideat: & fiant posteriora, priorib. multo deteriora. Quare id quidem uobis præstandum est omnino, sub hisce iam præsertim regni istic Christi in doctrina ipsius initijs: ut Papismum uniuersum à uobis propel-

propellatis (nulla est enim societas Christo cum Antichristo) si extremam à uobis calamitatem, & à patria tota depellere uelitis. Sed satis non sit uobis, Papismum propulisse: satis non sit, inquam, domum repurgasse: uerum in hoc incubite etiam, ne illam, ubi repurgata fuerit, uacuum relinquatis: hoc est, ne post abiectam Papismi superstitionem, idololatricam ac tyrannidem, in restituendo protinus uero rursus ac puro omnino cultu Dei publico, iuxta doctrinam atque obseruationem Apostolicam, instaurandoque legitimo Ecclesiarum in primis negligentes sitis. Hanc enim domus suæ cuiusmodi Dominus ipsemet constituit, quæ exactum semel cacodæmonem, à re dictu deinceps arceat: & demum illam purgatam, uacuum non esse testetur. Hoc igitur uobis agendum est (amplissimi Proceres) & ad eam rem libellum hunc nostrum, quem uobis mitto, non inutile fore puto. Cogitate autem tempus hoc uestre istius uisitationis, summa uobis in solidum omnibus cura obseruandum esse,

se, post auditum istius iam (adeo insigniter præsertim) tubæ Euangelicæ clangorem. Neque hic alter in alterum aut onus aut culpam reiciat: cuiusque uestrum enim præstandum est hic, pro summa uirili, uestre uocationis officium. Ignorantiam prætexere amplius sanè non potestis, quæ quidem uos in Dei iudicio olim ullo modo excuset. Audistis rationem ipsam diuini aduersus omnem ingratitudinem iudicij: nempe, nunquam immitti publicam ullam genti alicui calamitatem, nisi post publicam aliquam pacti diuini uiolationem, ac publicam item eius ipsius uiolationis reprehensionem. Sed nunquam non immitti etiam, & quidem repente, si uiolationis illius reprehensiones, atque ad resipiscentiam admonitiones publicæ, uel contemnantur prorsus ac reiciantur, uel negligenter etiam aut hypocritice recipiantur. Audistis item seueritatis diuinæ magnitudinem, aduersus Reges ac regna, si inclarescente regno Christi Domini in doctrina sui Euangelij, suum officium non faciant: nempe, accensam

accēsam iri protinus furoris diuini uehementiā: haud aliter quā exortum aliquod inopinatō ac repenti incendium, obuia quæq; sine discrimine ullo depascens atq; absumens. Audistis præterea, quæ sint & Regij, & uestri simul, hac in parte, officij partes: nempe, ut abiectis prudentiæ mundi huius cōsilijs, quibus alioqui quæ ad regni Christi illustratiōem pertinet, inuisa sunt ferè suspectaq; omnia, aliud quoddā sapientiæ diuinæ genus amplectamini: uosq; primū de uoluntate Dei, ex uerbo ipsius, institui, pro captu uestro, erudiriq; patiamini. Deinde, seruiēdi illi, in omnib. eius præceptis, studiū, cum animi alacritate atq; obseruantia cōiunctum, intra uos ipsos in animis uestris concipiat, sine ullo ullo etiam hominum respectu. Postremo, ut uestrum hoc tale seruiendi illi studium, nō tantum in corde uestro alatis, sed publicis etiam uocationis uestre officijs contestemini: hoc est, publica uestra, de inclarescente doctrinæ suæ luce, gratulatione atq; alacri erga illam obseruantia.

uantia. Hæc inquam audistis omnia, atq; ea non aliunde quā ex ipsis scripturæ sanctæ fontibus producta. Ad extremū uerò audistis, quā nihili sūt ea omnia, quæ & à Papismi, & ab impunis illius licētiæ quiduis docēdi agēdiq; propugnatoribus ac patronis, aduersus regni Christi progressus adiuuandos, promouendosq; adferuntur. Hoc restat igitur, ut quæ audiuiistis, animis etiam uestris imprimatis: & quæ uestri esse officij intellexistis, ea alacriter & certa in Deum fiducia, cum seria opis suæ diuinæ imploratione, exequamini & præstetis. Scio bonam ordinis uestri partem ab Apostolicis quibusdā occupari, qui interim pro Episcopis haberi uolūt. Sed & inter eos spero esse, q̄ lucrifieri possint: præsertim si uideant, non tam sui odio, quā promouendæ potius Christi gloriæ studio omnia geri. Ego enim etsi abusum nominis in illis improbo, ac nihil minus q̄ Episcopos esse statuo: homines tamē ipsos, mihi præsertim incognitos, adeo non odi, ut me eis cuperem prodesse pos-

se, pro tenuitate mea, quatenus sane scientes ac uolentes regno Christi Domini nō resisterēt: si quo modo & ipsi in uiam reuocari queant. Ita & à uobis rationem illorum, citra Christi interim contumeliam, haberi optarim: quatenus sanè non dant adhuc ullam manifestam obstinationis suæ significationem. Qui uerò præfracto destinatoq; consilio cæci cæcorū duces esse pergunt, de ijs aliud non dicam, quàm quod Christus Dominus de ipsorum maioribus dixit: Sinite illos, uosq; ab illis (iuxta Esaïæ & Pauli doctrinam) in omnibus uestris, de religione potissimum, cōsilijs, omnino separatis: ne uos pœnarum, quæ illos manent, participes uosmetipsi faciatis. Deus opt. max. respiciat uos omnes, totaq; adeo nostram patriam, oculis suæ diuinæ misericordiæ, propter unicè dilectum Filium suum: qui non minus pro nostra gente, quàm pro alijs, sanguinem suū innocentissimum fundere non dubitat. it. Largiaturq; uobis S. sanctum suum in uestris consilijs, ut sub tam conspicua

triæ

triæ nostræ uisitatione, quæ ad salutarē illam in Christo Domino pacem faciūt, statuere inter uos, per eius gratiam possitis: ne quo modo fiat demū, ut quæ ullo modo ad eam ipsam pacē omnino pertinet, & à uestris ipsorū, & à totius patriæ oculis (quod absit) iusto Dei iudicio abscondantur. Auertat hoc malū à uobis Dominus, pro sua bonitate ac misericordia: cui uos & totam patriam supplex commendo. Et quæ pro mea in uos & patriam nostram fide atque obseruantia liberè ac cōfidenter scribo, boni consulite, oro. Quod si qua in re operā præterea uobis meam usui esse posse intelligatis: ea uobis pro mea tenuitate, & plus satis alioqui iam afflictā uoletudine, nūquam est defutura. Dominus uos seruet, regat, & fortunet: Amen.

Francforti, ult. Decemb.

Anno 1555.

MAGNIFICI AC GENE-

ROSI VIRI, DOMINI, FACTORES,

ac fratres in Domino obseruandis. Gratiā, pacem, ac salutaris consilij spiritum uobis simul in coetu uestro omnib. & cuiq; uestrum supplex precor à Deo patre nostro cœlesti: ut quod diuino ist. c. beneficio, uestri potissimū ordinis auspicijs, agi cœptum esse audio. in promouenda doctrina Euangelij Christi, id maiores etiam indies suos progressus (uestra opera) habere possit, ad laudem ac gloriam adorandi nominis diuini, & perpetuum ordinis istic uestri ornamen-

tum. Amen.



Ro mea in communem nobis patriam fide atq; obseruātia, pro animi itē mei gaudio planē incredibili, facere non potui (Domini, fautores, ac fratres mei obseruādīs.) quin ad uos, etsi mihi fortē maxima ex parte ignotos, confidenter tamē atq; etiam liberē scriberem: collatāq; in uestrū ordinem à Domino, supra alios omnes, eam gratiā, uobis & toti nostræ patriæ, maiorem sanē in modum gratularer: quod uestrum istic potissimum ordinem elegerit, per quem, pressum hactenus Antichristiana Papæ Romani, cornutarumq; eius creaturarum tyrānide, unigeniti filij sui Domini nostri IESV

CHRIST

CHRISTI regnum, in doctrina Euangelij ipsius, denuò pmoueri, atq; à plusquam Cimmerijs Papismi tenebris uindicari uelit. Est sanē hoc peculiare Dei opus, summaq; nō gratulatione modò, sed etiam admiratione, ac proinde æterna quoq; memoria dignum: quod prætermisiss alijs, qui maiore istic loco atq; auctoritate habentur, sublataq; adeò omni uera ab illis sapientia, qui sibi ipsam sapiētiae cathedram arrogare conantur, uestrum potissimū ordinem respexerit Deus: inq; uestro ordine eos excitarit, per quos pudefaciat tandem sapientum illorum quantum uis turgens superciliū, ac sceptrum illud sacrosanctū regni sui, in uerbi sui diuini doctrina, attollat aduersus Pharisaicos nostri temporis scribas, ac sacerdotum Baaliticorum principes. Est, inquam, hoc peculiare prorsus istic nunc Dei opus, summaq; apud uos gratulatione dignum: sed in quo Deus à uestro uicissim ordine, hoc maiorem erga se gratitudinē, hocq; maius uestrū in rectē prosequendo eo ipso opere suo,

g 3

studium,

studiū, et maiore præterea fidem ac circū
 spectionem proculdubio requirat, quo
 maius atq; excellentius hoc ipsius in uo-
 bis opus esse cōstat. Quare ut uestro or-
 dini, uobisq; in illo omnib. nō possū nō
 supra modū, et quidē uerē atq; ex animo
 gratulari, diuini huius operis in uobis
 nomine: ita uehemēter opto etiam, ut et
 uos in prosequēdo eo ipso Dei in uobis
 opere, nō equidē negligēter (totū nanq;
 cor in suū obsequiū deposcit Dñs) neq;
 itē precipitāter & confusaneē (ordine e-
 nim ac decenter oportet institui omnia)
 sed fideliter ac prudēter progrediamini.
 Fidē nāq; & prudentiā ante omnia Do-
 minus in omnib. suis ministris requirit:
 ut ne quid sibi omnino sumāt, præter ma-
 nifestum diuinę uolūtatis suę, in uerbo
 ipsius, testimoniū: & in eorum ipsorum
 ministerio ac dispensatione, prudētiam
 ac circumspectionem adhibeant: ut ad g-
 dificationem; non autē ad confusionem
 omnia fiāt. Fideliter igitur uos progre-
 di opto, in coepta per uos instaurandę
 religionis istic causa: ne manu aratro ad-
 mota,

mota, post tergum rursus, siue amore, si-
 ue odio cuiusquam, siue item spe ullius
 boni, siue malorū metu, respiciatis: me-
 mores alioqui uxoris Loth, cui exitia-
 le fuit retrospexisse: cum aliō iter suum,
 ex mandato Domini, cum marito suo
 instituisset. Sed opto uos prudenter e-
 tiam progredi, ne dum Scyllam uitare
 conamini, in Charybdin, ut est in pro-
 uerbio, fortē delabamini: quod absit.
 Neq; uerō mundi hic prudentiam in uo-
 bis requiro: quæ fidem alioqui nostram
 in ministerio, aut uocat in dubium, aut
 certē maxima ex parte remoratur. hanc
 sibi habeāt sapientes illi: qui rationis sug-
 cōsilijs disquirūt, Deo ne magis, an uerō
 hominib. debeāt obedire. Sed illud pru-
 dentię genus uobis à Dño precor, quod
 Christus ipsemet Dñs, fidelitati in mini-
 sterio adiungit: nēpe ut, cum certi simus,
 Deo magis q̃ hominib. obediendū esse,
 ita inobediētā nobis omnē uitandā esse
 intelligamus, ne dū ab una parte nos in-
 uiam rediisse putamus, ab altera rursus
 parte à uia recta deflectamus: hoc est,

ne dum Papismi impietatem excutere conamur, alijs rursum sectis, ipsiq; adeo Atheismo uiam imprudentes aperiamus. Equidem non dormit Satan, dum regno suo periculum imminere uidet. Et licet nonnunquam ferre id cogatur, ut domo sua exactus, hac atq; illac extorris uagetur, domumq; illam ex qua est eiectus, ab alijs repurgari (quāquā inuitus) ferat: nō tamen cessat postquam exactus est, sed nouum sibi sodalitium multo etiam sceleratius adsciscit, cuius ope domum rursus illā repetit, si quo modo illam custodia legitima uacuam reperire queat: atq; illuc reuersus, postrema prioribus multo deteriora facit. Hac igitur in parte ego, si delitati uestræ, prudētiam quoq; à Christo Domino laudatam, adiunctā esse cupio: nempe, ut in suscepta per uos causa instaurandæ istic uerę religionis, & fideles uos, & prudentes Dei ministros esse declaretis. Fidei porro uestre erit, ut modis omnibus Satanam istinc è domo Dei propelli omnino curetis, qui illam per Antichristianam Papę Romani, rasiq;

sui

sui satelliti tyrānidem hactenus illuc uioleter occupauit: omniq; eam illius superstitiōe atq; idololatria, in primis uerò blasphemo ipsius sacerdotio, repurgandam prorsus esse cogitetis: sic, ut nullum eius uestigium (si id ullo modo fieri queat) omnino relinquatur. Nulla enim conuentio Christo cum Belial, luci cū tenebris, cultui diuino cum idololatria ac superstitione. Hoc, inquam, uestre erit fidei. & ut nihil recipiatur, cuius fōtes in uerbo Dei (iuxta unanimē scripturę cōsensum) comonstrari non queant. Prudentiæ autē uestre erit, repurgatæ ita iā domui Dei, fidelem ac legitimam custodiā protinus adhibendam curare: ne quo modo fiat, ut eiectus ille Satā, nō quidē cū agnito iā Antichristo amplius, sed cū multo adhuc sceleratiore sodalitio illam recuperet, si quidem eam uacuam fortē, & sine fidelis custodia dolis suis expositam uideat. Atque spero equidem, uos & in fide, & in prudentia hac, uestro officio defuturos non esse per gratiam Dei: sed interim nō inutile fore iudicaui apud uos, eam meā

admonitiunculam, ad quam etiam me alioqui rumor quidam istinc allatus induxit, quem etsi uanum ego, atq; ab aduersarijs confictū puto: tamen posteaquam spargitur, de illo uos mihi commonefaciendos esse putauī: ut quemadmodum uos, & qui uobiscum sentiūt, sedulo semper cauissē non dubito, ne cuiusquam offēdiculi iustam aliquam occasionē praeberetis, circa religionis instaurationem: ita hoc ipsum deinceps etiam hoc maiore attentione caueatis, utq; alij item caueant, etiā atq; etiam studeatis, quo uos aduersariorum calumnijs magis esse obnoxios, & plures etiam aduersarios habere uideatis. Duo sunt autem quae istinc sunt allata. Alterum, quod quisq; uiorum nobilium, ritus Ecclesiasticos apud se, pro suo arbitrio inuēiat: quae quidē res ad confusionem magis, quā ad instaurationem religionis spectare uidetur. Alterū, idq; etiam grauius, quod in coenae Dominicae administratione, perinde atq; in symposijs, bibatur. Iam posterius hoc, merā esse suspicor Papistarū calum-

calūniā: proinde nō est quod de eo multis agā. Ceterum de priore, etsi id quoq; aliter se habere credo, nō nihil dicā. Scio nihildū istinc de publicis Ecclesiarū ritibus constitutū esse. Ac proinde facillē intelligo, oportere adhuc esse quandā rituum uarietatem, potissimum autē in Coenae ceremoniā. Sed nō tam est noxia rituum, hac in parte, uarietas (modō quae sunt praecipua nō uariant, aut profanentur) q̄ est noxia frequens uarietatis mutatio. Haec enim apud rudiores totam ferē religionē, primum in dubitationē, deinde uerō etiā in contemptū uocare solet. Quae enim crebro mutatur, ea sanē populus pro firmis ac solidis habere nō potest: atq; ita demū facile illa in dubiū uocat, moxq; etiā contemnit. id quod alioqui multis locis accidisse uidemus. Quare si quae sit inducenda rituum mutatio, eiusmodi induci optare, quae alias rursus mutationes nō amplius requirat: hoc est, ut Papistica quidem abominatio radicitus omnino tollatur, declarata impietate illius: in institutis uerō alijs, loco illius, ritibus ad primam

mæuā illam Apostolicæ Ecclesiæ puritatē ac simplicitatē quā proximè cōtendat, quæ nullis deinceps alioquī correctiōib. eget. Quanquam autem magis est noxia frequens uarietatis mutatio, quā ipsa rituum uarietas: tamen in uarietate quoque est adhibenda moderatio, ne nimium magnam rituum dissimilitudinem inducat. Hæc enim in plebe & præiudicia facile gignit, dū alij alios præ se, rituum suorum nomine, cōtemnunt: & animos hominū ab inuicem ferè dissociat. Videndum igitur, quatenus sit alenda rituum uarietas: ne & hic nobis omnia licere putemus. Varietas porro quædā rituum hætenus duntaxat utilis est in ecclesijs, ut libertatē illarum, aduersus Pharisaicam ceremoniarū seruitutem, tueatur: & doceat, nos externa huius aut illius ritus obseruatione nō fieri uel digniores, uel indigniores apud Deum, quemadmodum Augustinus loquitur. Iam uerò libertas Ecclesiæ nō equidem in eo consistit, ut quisq; pro suo arbitrio instituat quæ uelit, & pro eo ac uelit in sua Ecclesia, nō habita ulla aliarū Eccle-

Ecclesiarum ratione: sed ut nemo decretis humanis, salutis suæ periculo, ad certos ritus illos adstringatur, etiā si speciosissimi esse uideantur. Aliud est autem, nō adstringi ad aliquid: aliud uerò, licere quicquid libet. Et si enim nullis humanis legib. ad ullas certas ceremonias adstringi possimus: spectanda est interim Ecclesiarum edificatio, ad quam & Dei ipsius, & charitatis mutux lege adstricti ita sumus, ut nihil nobis licere putemus, quod illam aut impedire, aut remorari ullo modo possit. Quatenus igitur rituum magnam dissimilitudine, & præiudicia gignuntur in plebe, & hominum animi ab inuicem ferè dissociantur, ad hæc & offendicula etiam aluntur: hætenus sanè ea rituum uarietas modis omnib. uitanda est, quæ magnam dissimilitudinem in se habere uidetur. Proinde hic eam moderationem obseruandam esse existimarem, ut nemo seclus quicquam in suis instituat Ecclesijs, priuata authoritate sua: sed si qui in una aliqua prouincia de instauranda religione consentiunt, hi ut ea de re unanimiter delib-

deliberent: & conuocatis suis ministris
 prestantiorib. parcissimè & simplicissi-
 mè aliquid instituunt, tātisper obseruan-
 dum, sine ullis cuiusquā preiudicijs, do-
 nec publica autoritate totius regni, cer-
 ta totius ministerij forma ordinetur. Ad
 eam porrò rem, spero non fore inutilem
 libellū nostrum, quem (eam potissimum
 ob causam) Regiæ isthic maiestati & to-
 ti patriæ dedicaui. Ac quemadmodum
 illum suæ maiestati, atq; itē amplissimo
 ipsius Senatui misi: ita uobis quoq; pro
 mea in patriam nostram fide atq; obser-
 uantia, literis hisce meis adiunctum, mit-
 to. Et oro, ut meum hoc qualecunq; offi-
 cium, meam item hanc apud uos in scri-
 bendo libertatem, pro uestra pietate,
 boni atq; æqui cōsulere uelit. Quib. pa-
 riter omnib. ac cuiq; singillatim, me of-
 ficiosissimè cōmendo. Francfor-
 ti, ultima Decemb. An-

no 1555.

Vestri pariter, ac singillatim omnium studiosis-
 simus, Ioannes à Lasco.

BASILEAE, EX OFFICINA IOAN-
 nis Oporini, Anno salutis humanæ M.D.LVI.
 Mense Martio.





